

新刊醫林狀元壽世保元

新刊醫林狀元壽世保元乙集卷之二

太醫院吏目金谿雲林龔廷賢子才編著

男

龔定國 龔安國 全校

南雍大學生蓋印周文卿光霽堂鐫

中風

脉微而數中風使然。○風邪中人。六脉多沉伏。亦有脉隨氣奔。指下洪盛者。○夾寒則脉帶浮遲。夾暑則脉虛夾濕則脉浮濇。○大法浮遲者宜急疾大數者凶。

風者百病之長也。即內經所謂偏枯風痲。風懿風痺是也。而有出腑中臟中血脉中經絡之分焉。夫中腑者為在表。中臟者為在裏。中血脉中經絡俱為在中。在表者宜微浮。在裏者宜微下。在中者宜調榮中腑者多。

着四肢如手足拘急不仁惡風寒爲在表也其治多易用疎風湯之類
 中臟者多滯九竅唇緩失音耳聾目瞶二便閉澀爲在裏也其治多難
 用滋潤湯之類中血脈者外無六經之形證內無便溺之阻四肢不能
 舉口不能言爲在中也用養榮湯之類中經絡者則口眼喎斜亦在中
 也用復正湯之類其間又有氣血之分焉血虛而中者由陰血虛而賊
 風襲之則左半身不遂用四物湯加釣藤竹瀝薑汁以補血之劑爲主
 氣虛而中者由元氣虛而賊風襲之則右半身不遂用六君子湯加釣
 藤竹瀝薑汁以補氣之劑爲主氣血俱虛而中者則左右手足皆不遂
 用八珍湯加釣藤竹瀝薑汁或用上池飲乃治諸風左癱右瘓之神方
 也然則類中風者如中寒中暑中濕中火中氣食厥勞傷房勞等證如
 中於寒者謂冬月卒中寒氣昏冒口噤肢攣惡寒脉浮緊也用理中湯
 之類中於暑者謂夏月卒暴炎暑昏冒痿厥吐瀉喘滿用十味香薷飲
 之類中於濕者丹溪所謂東南之人多因濕土生痰痰生熱熱生風也

用清燥湯之類。加竹瀝薑汁中於火者。河間所謂非肝木之風。內中不
淫之邪外侵。良由五志過極。火盛水衰。熱氣怫鬱。昏冒而卒仆也。用木
味地黃丸。四君子湯之類。內有悲怒傷肝。火動上炎者。用小柴胡湯之
類。中於氣者。由七情過極。氣厥昏冒。或牙關緊急。用蘇合香丸。或藿香
正氣散之類。若誤作風治者。死也。食厥者。過於飲食。胃氣自傷。不能運
化。故昏冒也。用六君子湯。加水香之類。勞傷者。過於勞役。耗損元氣。脾
胃虛衰。不任風寒。故昏冒也。用補中益氣湯之類。傷於房勞者。因腎虛
精耗。氣不歸元。故昏冒也。用六味地黃丸之類。此皆類中風也。蓋內經
主於風。河間主於火。東垣主於氣。丹溪主於濕。而爲暴病暴死之症。類
中風。非真中風也。治者審之。有卒中昏冒。口眼喎斜。痰氣上壅。咽喉有
聲。六脉沉伏。此真氣虛而風邪所乘。用三生飲。一兩加入參。一兩煎服。
卽甦。若遺尿。手撒。口開。鼻鼾。爲不治。用前藥。亦有得生者。是乃行經絡。
祛寒痰之藥。有斬關奪旗之功。每服必用人參兩許。以祛其邪而補助。

真氣否則不奏效矣。有因虛火與濕痰涎壅盛。口眼喎斜。不能言語。才
關緊急昏倒。不知人事。將病人足太指中間半甲半肉上。并人中各重
掐一下。至體即用奪命通關散。搐鼻候有嚏。可治無嚏不治。如牙噤不
開。用烏梅肉揉和南星細辛末。以中指蘸藥擦牙。自開。隨以蜜湯調奪
命通關散二匙。即吐其痰。以通經絡。亦上湧意也。得嚏氣轉。即進攝生
飲。或清熱導痰湯之類。皆效。人事稍醒。關節動活。且先以理氣爲急。由
後氣未盡。順痰沫盡消。調理之劑。惟當以藿香正氣散。加南星木香常
歸防風一二劑。後次隨證而調之。予觀古人之方。多用攻擊之劑。施於
北方風土剛勁之人。間或可也。用於南方風土柔弱之士。恐難當耳。予
僭補前人之缺略。以備天下之通宜。若天地之南北。人身之虛實。固有
不同。其男子婦人。本略相似。學者宜通變而治之。慎毋膠柱以調瑟也。
理中湯見中寒十味香薷飲見中暑清燥湯見痿躄四君子湯見補益
小柴胡湯見傷寒藿香正氣散見霍亂蘇合香丸見諸氣

中風惡證

口閉者心氣絕遺尿者腎氣絕手撒者脾氣絕鼻鼾者肺氣絕及痰直出沫睛如直視聲如鼾睡皆不治之症也及筋枯不治舉動則筋痛是無血以滋養其筋故也面赤如妝面赤黑汗絳如珠不治之症也

○一論中風中氣痰厥不省人事牙關緊急湯水不下宜奪命通關散

皂角如猪牙者去皮弦二兩用生白礬二兩以苧布包入水與牙皂同煮化去皂再煮令乾取出所乾為末遠細辛去土藥為末五錢

右合勻每遇痰厥或喉閉不省人事者先以少許吹鼻候有嚏可治無嚏不可治却用蜜湯調服一匙即吐痰不吐再服

○一方用半夏為末用少許吹鼻即効

○一治牙噤不開用烏梅肉揉南星細辛末以中指蘸藥擦牙自開

○一治中風痰厥不省人事者用巴豆去殼搗包搗油在帛上將麝香少許

入帑捲作條入桐油浸透燒烟吹滅薰鼻

○一治中風不語或倒地不省人事及左癱右瘓口眼喎斜須以諸藥末服之先用

真麝香二分爲細末加麻油三兩攪勻將病人口乾開灌下通其關竅即便甦醒

○一論卒中不問中風中寒中暑中濕及痰厥氣厥之類不省人事初作用此方

攝生飲

南星湯泡一錢五分 半夏湯泡一錢五分 木香一錢五分 蒼朮生一錢

遼細辛一錢 石菖蒲一錢 甘草生一錢

右剉一劑生薑七片水煎溫服痰盛加全蝎炙二枚仍先用通關散吹鼻

○一論中風痰涎壅盛不能言語不省人事牙關緊急有火有痰有氣或

面赤身熱手足溫暖脉緊盛宜服此方
清熱導痰湯

黃連

黃芩

瓜蒌仁

去殼

枳實

麩炒

桔梗

去蘆

白朮

去蘆

白茯苓

去皮 陳皮

去白

半夏

南星

人參

甘草

右剉一劑生薑三片棗一枚水煎熟入竹瀝薑汁同服○一方加防風白附子尤効

○一論中風昏冒不知人事口眼喎斜半身不遂咽喉作聲痰氣上壅無問外感風寒內傷暑濕或六脉沉伏或指下浮盛並宜服之兼治痰厥飲厥及氣虛眩暈症屬虛寒者宜服

三生飲

南星

生五錢

川烏

去皮尖

大附子

去皮

木香

一錢半

右剉一劑生薑十片水煎溫服○氣虛之人虛弱之甚加入參二兩○

如氣盛人只用南星五錢木香一錢生薑十四片水煎服名星香散
○一論中風卒然倒仆牙關緊急不省人事并解上膈壅熱痰涎不利咽
喉腫閉一應熱毒又能消食化氣兼治食積取積下熱并纏喉風卒死
心頭猶溫灌下立甦

雄黃解毒丸 方見小兒通治 壯盛之人暫服

○一論中風暗風痰厥氣厥不省人事宜服

牛黃紫金丹

牛黃三分 朱砂二錢 阿芙蓉一錢沉香一錢 木片三分

廣木香五分 麝香二分

右爲細末入乳爲丸四十數陰乾每服一丸梨汁送下如無梨汁薄荷
湯研化灌下立甦

○一論初中風邪四肢麻痺骨節疼痛手足癱瘓語言蹇澀宜服此方
烏藥順氣散

烏藥

陳皮各二錢 麻黃去節

川芎

白芷

桔梗

枳殼炙炒各一錢 僵蠶炒

乾薑焙五分 甘草炙三分

右剉一剉薑棗煎服。○口眼喎斜加薑炒黃連羌活防風荆芥竹瀝煎

汁。○左癱右瘓加天麻當歸皮膚燥癢加蟬退薄荷。

○一論風中腑者多著四肢手足拘急不仁面加五色惡風寒為在表也

宜此方

鹽風湯

當歸

川芎

白茯苓去皮 陳皮

半夏薑炒

烏藥

香附

白芷 羌活

防風各八分

麻黃五分

甘草

細辛各三分

右剉一剉生薑三片水煎熱服。

○一論風中臟者多滯九竅唇緩失音耳聾鼻塞目瞤二便閉澀為在裏

也宜此方。

滋潤

當歸

生地黄

枳殼去穢

厚朴薑炒

檳榔

大黃

火麻仁

杏仁去皮各一錢

羌活七分

紅花三分

右剉一劑。水煎。空心溫服。

○一論中風。一切風熱。大便閉結。小便赤澀。頭面生瘡。眼目赤痛。或熱極生風。舌強口噤。或鼻生紫赤。風刺癰疹。而為肺風。或成風癰。而世呼為大風。或腸風而為痔瘡。或腸鬱而為諸熱。識妄驚狂。並皆治之。防風通聖散。

防風

當歸

川芎

白芍

連翹

薄荷

麻黃各四分

石膏

桔梗

黃芩各八分

白朮

梔子

荆芥各三分

滑石二分

大黃

芒硝各四分

甘草一錢

右剉一劑。生薑煎服。○自利去硝黃。○自汗去麻黃。○解利四時傷寒。

兩歲每一兩加益元散一兩葱白十根豆豉一撮生薑五片水煎熱服
○一論風中血脉者外無六經之形症內無便溺之阻隔肢不能舉口不
能言為在中也宜此方

養榮湯

當歸酒洗

川芎

白芍酒炒

生地黄

麥門冬去心

遠志

甘草湯
泡去心

石菖蒲

去毛

南星

薑製

半夏

薑製

陳皮

白茯苓

去片

枳實

麩炒

烏藥

黃連

薑炒

防風

羌活

秦艽

甘草

右各等分加竹茹一團生薑三片水煎服

○一治中風痰癱舌塞不語并失音不能言語用此方
轉舌膏

連翹一兩

梔子五錢

黃芩

酒炒
五錢

薄荷一兩

桔梗

五錢

大黃

酒蒸
五錢

玄明粉

五錢

防風

五錢

川芎三錢

遠志

甘草湯泡
一兩

石菖蒲六錢

甘草五錢

犀角三錢

柿霜一兩

牛黃五錢

琥珀一錢

珍珠一錢

右爲細末。煉蜜爲丸。如彈子大。朱砂五錢爲衣。每丸細嚼。薄荷湯送下。食後臨臥服。

○一治中風失音。用韭菜汁灌之。或用白殭蠶末酒調服。

○一治舌大不能言語。

青黛二錢

冰片三分

硼砂二錢

牛黃三分

南薄荷葉三錢

右爲細末。先以蜜水洗舌上。後以薑汁擦之。將藥蜜水調稀。搽舌上。

○一治中風不語。痰迷心竅。舌不能言。

南星一兩

防風三錢

右爲細末。麵糊爲丸。如梧子大。每服五十丸。薑湯送下。

○一治中風卒不得語。以薑酒煮白芥子。付頸一週。以帛包之。一日一夕。

即愈。

○一治中風瘖瘓不能言

大黃一兩

芒硝一兩

當歸一兩

甘草五錢

右劉水煎服。渴下後用四物湯加殭蠶一兩作二服服之。

○一治腎氣虛弱舌瘖不能言足痿不能行

地黃飲子

熟地黃

巴戟去心

石棗酒蒸去核

肉蓯蓉酒洗

石斛

大附子炮

五味子

白茯苓去皮

石菖蒲

遠志甘草水泡去心

官桂

麥門冬去心各等分

薄荷少許

右劉生薑棗子水煎溫服。

○一論風中經絡則口眼喎斜也宜此方

復正湯

防風

荆芥

細辛

黃芩

烏藥

天麻

雷歸酒洗

白芍酒炒

川芎

白朮去濕

白茯苓去皮陳皮去白

半夏泡

枳殼去穢

白芷

桔梗

殭蠶

甘草

右劉生薑煎服。

○一治口眼喎斜及手足頑麻

蒼朮

米泔炒陳皮三兩

南星五錢

半夏二兩

白茯苓二兩

防風

羌活六錢

天麻五錢

白殭蠶一兩

大川烏六錢

粉草六錢

右劉生薑三片水煎臨服入生薑汁三匙溫服

○一治諸風口眼歪斜

金刀如聖散

川烏泡二錢草烏泡二錢防風二錢

川芎二錢

白芷四錢

細辛一錢

蒼朮四錢

天麻五分

白朮五分

麻黃五分

雄黃三分

右爲細末每服五分臨卧溫酒調服

○一治中風口眼不正語則牽急四肢如故無他苦由居處不使因臥而孔風入耳客於陽明之經故令筋急不調而口歪僻也

皂角膏

大皂角五兩去皮子爲末以三年米醋和成膏左喝塗右右喝塗左乾更塗之

○一方用新礬石灰一合以酸醋炒調如泥口面歪向右即於左邊塗之向左即於右邊塗之候正如舊即須以水洗下大効

○一治卒暴中風口眼喎斜

天仙膏

天南星

草烏

白芨俱用大者各一枚

殭蠶七箇

右爲細末薑汁調如前塗正便洗去

○一治口眼喎斜

正顏丹

白芷

獨活

薄荷

右爲細末蜜丸如彈子大每服一丸細嚼茶清下

○一論癱瘓之症因虛而痰火流注爲病當時遇治爲妙若失之於初痰火停久便成鬱鬱久便生火火能傷氣耗血而痰猶難治矣如疼痛則爲實用疎通關節之藥而與腦麝少許爲引經如不痛則爲虛服此疎通關節之藥亦要兼服補氣血藥如此攻補兼施而癱瘓可愈矣

○一論癱者坦也筋脉弛縱坦然而不舉也痿者渙也血氣散漫渙然而不用也或血虛或氣虛皆正氣虛不足之症也

○一論中風手足軟弱不能舉動外症自汗者虛中風也若手足強急口眼喎斜伸縮痛者實中也

○一論中風左癱左半身不遂屬血虛乃痰火流注於左而爲左癱也

後方

○一論中風右癱右半身不遂屬氣虛乃痰火流注於右而為右癱也宜後方。

○一論一切中風左癱右癱半身不遂口眼歪斜語言蹇澀呵欠噴嚏頭目眩暈筋骨時痛頭或痛心中忪忡痰火熾盛此乃血氣大虛脾胃虧損有痰有火有風有濕此總治諸風之神方也。

上池飲 即愈風潤燥湯加入參烏藥

- | | | | | | | | | | | | |
|----|----|----|----|-----|-----|-----|----|----|-----|-----|-----|
| 人參 | 一錢 | 去蘆 | 白木 | 錢五分 | 去蘆炒 | 白茯苓 | 錢一 | 去皮 | 當歸 | 錢二 | 酒洗 |
| 川芎 | 二錢 | 酒炒 | 白芍 | 錢一 | 酒炒 | 生地黃 | 錢一 | 酒洗 | 熟地黃 | 錢一 | 酒洗 |
| 南星 | 錢一 | 酒炒 | 半夏 | 錢一 | 酒洗 | 陳皮 | 錢一 | 酒洗 | 羌活 | 錢一 | 酒洗 |
| 防風 | 六分 | 天麻 | 錢一 | 牛膝 | 錢一 | 酒洗 | 紅花 | 錢一 | 酒洗 | 酸棗仁 | 錢一 |
| 柳桂 | 六分 | 寒月 | 黃芩 | 錢一 | 酒炒 | 黃柏 | 錢一 | 酒炒 | 夏月 | 加二分 | 炒八分 |
| 烏藥 | 四分 | 甘草 | 錢一 | 炙 | 四分 | | | | | | |

右剉一劑水煎入竹瀝薑汁清且時溫服○言語蹇澀加石菖蒲
○一患風痰人多有痰熱每湯藥宜加竹瀝荆瀝薑汁同服甚妙三味和
一處溫服亦可

○一論中風等證因內傷者非外來風邪乃本氣自病也多因勞役過度
耗散真氣憂喜忿怒傷其氣者而卒倒昏不知人則為左癱右瘓口眼
喎斜四肢麻木古本強硬語言不清等證宜此方

補中益氣湯

黃芪

蜜水炒
錢五分

人參

去蘆
一錢

白朮

去油
錢一

陳皮

一錢

當歸

酒洗
一錢

柴胡

去蘆
五分

升麻

五分

甘草

炙一錢

右剉一劑生薑薑子水煎服加酒炒黃柏三分以滋腎水瀉陰中之伏
火也紅花三分而入心養血

○一中風卒倒因勞傷者過於勞役耗損元氣脾胃虛弱不任風寒故昏
冒此宜本方

○一左癱右瘓加防風羌活天麻半夏南星木香○一語言蹇澁加石葛蒲竹瀝

○一口眼喎斜加薑炒黃連羌活防風荆芥竹瀝薑汁

○一中風痰喘因中氣虛飲食素少忽痰壅氣喘頭搖目劄揚手擲足難以候脉視其面色黃中見青此肝木乘脾土依本方加白茯苓半夏水煎臨熟加薑汁同服

○一中風面自十指俱麻乃氣虛也加大附子製木香羌活防風烏藥麥門冬

○一善飲舌本強硬語言不清此脾虛濕熱加神麴麥芽乾葛澤瀉

○一論中風等證因房勞者名曰內風房勞過度則真精耗竭舌本欠氣言不利也精血一虧即水竭而心火暴甚腎水虛衰不能制之則陰虛陽實而熱氣拂鬱心神昏冒筋骨不用而卒倒無所知也或一肢之偏枯或半身而不遂或口眼之喎斜或語言之蹇澁悉宜此方或湯或丸

皆可

六味地黃丸

懷生地黃

酒拌蒸一日令極黑晒乾八兩

懷山藥

四兩

山茱萸

酒蒸去核取肉四兩

白茯苓

去皮三兩

牡丹皮

去骨三兩

澤瀉

三兩

右爲細末。煉蜜爲丸。如梧桐子大。每服三錢。空心鹽湯任下。忌三日。

○兼補右尺相火。加大附子二片童便浸焙乾。官桂二兩。名八味丸。

○一論中風氣血衰弱。痰火上升。虛損之症。左癱右瘓。中風不語。手足臂

體疼痛。動履不便。飲食少進。人乳二酒盞。壯盛婦人香甜者。好甜梨汁。

一酒盞。傾放銀銚中。或錫器內。入湯鍋內。頓滾熱。有黃沫起。用青路爲

度。每日五更後。一服。能消痰補諸虛。生血延壽。乃以人補人。其効無窮。

其中風不語。半身不遂。曾照此方治驗。尋常以此乳與地黃丸。兼治

屢獲効。

○一論補中益氣湯六味地黄丸一方一治元氣脾胃之虛。一治腎水虧陰之弱。若病人素稟虛弱者。或患病久不愈者。或誤服攻擊之過者。又非外中於風者。悉宜此一方。兼而濟之。乃正道平和之劑。能收萬全之功也。若病者虛寒之甚。年過四旬之外者。又當以十全大補湯。以龍固本丹之類。專治左癱右瘓。年久不愈。大補虛寒之聖藥也。

加味十全大補湯

黃芪炒水

人參去蘆

白朮炒油蘆

白茯苓去皮

當歸酒洗

川芎

白芍酒炒

熟地黃各八分

大附子麩炙

沉香

木香各三分

烏藥

牛膝去蘆酒洗

杜仲去皮酒洗

木瓜

防風去蘆

羌活

獨活

薏苡仁各五分

肉桂

甘草炙各三分

右剉一剉。薑棗煎服。

○一論中風左癱右瘓手足不能動舌強塞於言與上池飲或地黃飲子兼服神效

健步虎潛丸

黃芪兩五錢 人參一兩

當歸兩五錢 白芍二兩

甘枸杞子五錢 五味子五錢

牛膝兩五錢 杜仲二兩

知母兩五錢 麥門冬二兩

酸棗仁炒一兩 沉香五錢

羌活一兩 獨活一兩

大附子重便浸三日麴累煨去皮膽切四片童便浸煮乾五錢

右為細末煉蜜和猪脊髓五條和為丸如梧桐子大每服百丸空心

湯溫酒任下

白朮去蘆二兩

生地黄二兩

虎脛骨二兩

破故紙二兩

遠志去心一兩

木瓜一兩

防風一兩

白茯苓去皮木一兩

熟地黄二兩

龜板酥炙一兩

黃柏酒炙一兩

石菖蒲一兩

薏苡仁炒一兩

○一論經驗之方滋補之聖藥專治諸虛百損五勞七傷形容羸瘦面色
 衰朽中年陽事不舉精神短少未至五旬鬚髮先白非左癱右瘓步履
 艱辛脚膝酸痛小腹疝氣婦人下元虛冷久無孕育服之神効
 斑龍固本丹

人參去蘆二兩

乾山藥二兩

懷生地黃二兩 熟地黃酒蒸二兩

天門冬去心二兩

麥門冬去心二兩

山茱萸酒蒸去核二兩 甘枸杞子二兩

兔絲子酒煨乾四兩

麥門冬

五味子二兩 巴戟酒浸去心二兩

肉苁蓉酒浸二兩

牛膝酒洗去蘆二兩

杜仲薑炒二兩 覆盆子一兩

地骨皮一兩

澤瀉一兩

遠志甘草水炮去心一兩 白茯苓去皮二兩

石菖蒲一兩

車前子五錢

老川椒一兩 栢子仁二兩

木香二兩

虎脰骨酥炙二兩

大附子麩裹煨去皮臍切片童便浸炒一兩

右為細末用好酒化五仁斑龍膠為丸如梧桐子大每服百九空心溫
 酒送下斑龍膠方見補益服至半月陽事雄壯服至一月顏如童子目

視十里小便清滑。服至三月。白髮再黑。久服神氣不衰。身輕體健。可昇仙位。

○一洗癰疽秘方

蛤蚧 一箇

麻黃 四兩

川烏 二兩

草烏 二兩

透骨草 四兩

川椒 四兩

白花蛇 二錢 防風 四兩

紫花地丁 升一大 鹽 四兩

艾 一把

槐枝 一條

右用水二桶煎中大缸半埋在地。入水溫時坐上洗。再用水二桶煎渣。候冷時再入熱水。或一日或一夜。臨出時用水澆頂心數次。再用芥末稀貼患處。紙絹裹熱坑上睡。汗出盡為度。忌早起飲食。就臥內妙。

○一論仙傳史國公浸酒良方 臣謹沐

聖恩叨居相職。節宣弗謹。遂染風疾。半體偏枯。手足拘攣。不堪行步。宣醫診治。良劑屢投。今越十載。全無寸効。乞歸故里。廣訪名醫。遂至秦先驛。獲遇異人。臣陳病狀。蒙授一方。臣依方浸酒。未服之先。非人扶不能起。

及飲一升，使手能梳頭，服一升。手足屈伸有力，服三升。語言舒暢，行步如故，服四升。肢體通緩，百節遂和，舉步如飛，其效如神。言之不及，盡述乞賜頒行天下，使其黎庶咸臻壽域。謹錄是方，隨表拜進，以聞。

防風 去蘆二兩

秦艽 去蘆四兩

草薢 洗二兩

羌活 二兩

牛膝 去蘆酒洗二兩

虎胥骨 酥炙二兩

龜甲 九肋者洗一兩

當歸 三兩

晚蠶沙 炒二兩

蒼耳子 槌碎四兩

甘枸杞子 五兩

油松節 槌碎三兩

乾茄根 飯上蒸八兩，加白木二兩

川杜仲 薑酒炒三兩

一方加白花蛇

酒浸去皮，骨四兩，其効如神。

右細剉，用好酒三十五斤，將生絹袋盛藥，懸浸于內，封固過十四日，將蟬入鍋懸空著水煮，令蟬內滾響，取出，埋入土內，二百天去火毒，每開蟬取酒，不可以面，對蟬口，恐藥力冲傷眼目，每飲一二鍾，毋令藥力斷絕，忌動風之物。凡製此酒，不可煮之太過，則無効。只可盡一炷香為度。凡左癱右瘓，口眼喎斜，四肢麻痺，筋骨疼痛，三十六種風，二十四般氣，無

不效也

○一治偏風手足不遂皮膚不仁

仙靈酒

仙靈脾一名淫羊藿一斤切碎以生絹袋盛不滲器中用好酒浸之厚紙重重封固春夏三日秋冬五日後開罈隨量飲之常令醺醺莫得太醉合時勿令婦人雞犬見之治一切冷風勞氣補腰膝強心力木夫絕陽不起女子絕陰無子老人昏耄健忘服之最良

○一論男婦小兒諸般風症左癱右瘓半身不遂口眼歪斜腰腿疼痛手足頑麻語言蹇澀行步艱難遍身瘡癬上攻頭目耳內蟬鳴痰涎不利皮膚癢痒偏正頭風無間新舊及破傷風角弓反張蛇犬咬傷金刀所傷出血不止敷貼立效痔漏膿血痛楚難禁服之頓愈

千金不換刀圭散

太府劉永山傳

川烏

草烏二味並用
地土皮先

蒼朮

米泔浸
各二兩

人參

白茯苓

去皮各一錢五分

兩頭尖一錢

甘草

炙一兩五錢

殭蠶

炒三錢五分

眞白花蛇

酒浸三日去皮骨

石斛

酒洗各五錢

川芎

白芷

細辛

當歸

酒洗

防風

去蘆

麻黃

荆芥

全蝎

瓦上焙乾

何首烏

米泔浸忌鐵器

天麻

藥本

各二錢五分

右爲細末每服三分或五分漸加至六七分臨臥酒調下不飲酒者茶

亦可服

○一論治男婦血氣衰敗筋骨寒冷外感風濕傳於經絡手足麻木遍身

筋骨腰腿疼痛久則成左癱右瘓口眼喎斜諸中風氣不能步履

仙傳黑虎丹

蒼朮

米泔浸二宿去皮切片

草烏

洗淨去皮切片

生薑

洗淨研碎各四兩

生葱

右四味和一處拌勻燰之春五夏三秋七冬十日每日丁番拌勻候日

數足晒乾入後藥

五靈脂

乳香

沒藥各一錢二分半

穿山甲

炮去灰土五錢

自然銅

火煨醋淬七次二錢五分

右同前藥爲末，好醋糊爲丸，如梧桐子大。每服三十九，空心熱酒送下。間日服尤妙。婦人血海虛冷，肚腹疼痛，臨臥醋湯下，止服二三十丸，不可多服。服後不可飲冷水冷物，但覺麻木爲效。孕婦不宜服。○一女入雞爪風，十指搐搦，服之立愈。

○一治手足拘攣不伸

牙皂

木香各等分

右剉水煎，下服立効。

○一治中風失音不語，偏風口眼喎斜，時吐涎水，四肢麻痺，骨間疼痛，腰膝無力，一切風濕。

稀薺丸

稀薺草五月五日、六月六日、九月九日採者，既藥洗淨，曝乾入甑，

層層酒酒與氣蒸之。又服此九通為末，煉蜜為丸，如梧子大，每服五七十丸，溫酒送下。

○一人年近四旬，忽發潮熱，口乾喜飲冷水，求醫治，以涼藥投之，罔效。四五日，渾身沉重，不能動止，四肢強直，耳聾，證言妄語，眼開不省人事。六脈浮大無力，此氣血脾胃虧損之極。予以十全大補湯，去芍藥、地黃，加熟附子，一服須臾，病者鼾睡痰响，人咸以為服桂附參芪之悞。予曰：此藥病交攻，不必憂疑。又進一服，過一時許，即能轉身動止。次日連進數劑，則諸病次第而潛瘳矣。此從脈不從症而治之也。

○一人因素弱，飲食起居失宜，左半身并手不遂，汗出神昏，痰涎上壅。醫用參芪大補之劑，汗止而神思漸清，頗能動履，後不守禁，左腿自膝至足腫脹甚大，重墜如石，痛不能忍，其痰甚多，肝脾腎脈洪大，而數重。按則軟瀉，朝用補中益氣，加黃柏、知母、麥門、五味，煎送地黃丸，晚用地黃丸料，加黃柏、知母、數劑，諸症悉退，但自弛禁，不能全愈耳。

○一治癱瘓諸風 高中玄閣老曾服奏効

乳香三錢 沒藥三錢 棉花子六錢 白糖六錢

右爲細末黃酒化服出汗

○一男子體肥善飲舌本硬強語言不清口眼喎斜痰氣湧盛肢體不遂余以爲脾虛濕熱用六君如葛根山梔神麴而痊

○一人中風痰嗽因中氣虛飲食數少忽痰壅氣喘頭搖目刺揚手擲足難以候脉視其面色黃中見青此肝木乘脾土用補中益氣湯加白茯苓半夏永前臨服加薑汁同服

預防中風

○一論中風者俱有先兆之證凡人如覺大梅指及次指麻木不仁或手足少力或肌肉蠕動者三年內必有太風之至經曰肌肉蠕動名曰微風故手大指次指手太陰陽明經風多着此經也當預防之宜朝服六

味地黃丸或八味丸暮服竹瀝枳木丸與搜風順氣丸二藥間服久而祛之諸病可除何中風之有是以聖人治未病不治已病

竹瀝枳木丸

白朮去土炒

蒼朮米泔浸鹽水炒各二兩

枳實麩炒

陳皮去白

白茯苓去皮

半夏白礬皂角生薑煎水浸一日煮乾

南星製同上

黃連薑炒

條芩酒炒

當歸酒洗

山查去子

白芥子炒

白芍酒炒各一兩

人參五錢

木香二錢

右為細末以神麴六兩薑汁下蓋竹瀝下碗煮糊為丸如梧桐子大每服百丸食遠臨時淡薑湯送下

○一論三十六種風七十二般氣上熱下冷腰脚疼痛四肢無力多睡少

食日漸羸瘦顏色不完惡瘡下注口苦無味憎寒毛疎積年癰瘡氣塊
 丈夫陽氣斷絕婦人久無期息久患寒熱嘔吐瀉痢腸胃積熱以致腸
 間痞悶大便結燥小便赤澀腸風痔瘡肢節頑麻手足癱瘓步履艱辛
 語言蹇澀不問男子婦人小兒皆可服之

搜風順氣丸

錦紋大黃

酒浸九蒸九曬要

火麻仁

微炒去郁李仁

枳殼

酒蒸乾山藥

獨活

山茱萸

酒蒸去核

檳榔

兔絲子水洗淨酒洗乾二兩

車前子

炒二兩

懷牛膝

去蘆酒洗二兩

右為細末煉蜜為丸如梧桐子大每服七八十丸茶酒任下百無所忌

早晚各一服覺臍腹微動以羊肚肺羹補之久患腸風便血服之除根
 癰瘡語澀服之平復酒後能進一服宿酒盡消中年以後之人過用厚
 味酒肉多有痰火且不能遠房事往往致陰虛火動動則生風所謂一

水不能勝五火也。故以此方疎風降火爲主。不問年高氣弱。雄壯婦人。並皆治之。孕婦勿服。

傷寒

脉陽浮而陰弱。謂之傷風。

邪在六經。低弦加之。○陽浮衛中見也。陰弱榮氣弱也。○風傷衛故浮盛。

脉浮緊而無汗。謂之傷寒。

吐也。傷榮榮實則衛虛。○陽脉緊邪在上焦。主欲

脉浮頭項痛。腰脊強。病在太陽。

脉長身熱。鼻乾目疼。不得臥。病在陽明。

脉弦胸脇痛。耳聾。往來寒熱。病在少陽。

脉沉絀咽乾。腹滿自利。病在太陰。

脉微緩。口燥舌乾而渴。病在少陰。

脉沉瀄煩滿。囊縮。病在厥陰。

脉陰陽俱盛。重感於寒。而緊瀄變爲痙瘖。陰陽盛盛傷寒之脉。前病熱未已。復感於寒也。

脉陽浮而滑陰濡而弱更遇於風變為風濕

脉陽洪數陰實大太過濕熱相合變為濕毒

脉陽濡弱陰弦緊更遇濕氣變為瘟疫

病發熱脉沉細表得太陽名曰瘧病

病太陽關節疼痛而煩脉沉細名曰濕痺

病太陽身熱疼痛脉微弱弦乳名曰中風

若發汗已身灼然熱名曰風濕

發黃色刺者則驚瘡時瘰瘵色如火熏則死

脉沉細而疾身涼四肢冷煩燥不欲飲水狂悶名曰陽厥傷寒熱盛脉浮

大者生沉小者死

脉歌

傷寒傷風何以判

寒脉緊濡風浮緩

傷寒惡寒風惡風

傷風自汗寒無汗

陽屬膀胱非胃膽

陰居脾腎

浮長弦細沉微緩

脉症先將表裏審

除病見陽脉者生

陽病見陰脉者死

傷寒總論

夫傷寒者乃太病也。生死反掌之間。要隨機應變而治之也。蓋傷寒發熱惡寒腰痛脊強則知病在太陽經也。身熱目痛鼻乾不得眠則知病在陽明經也。胸脇痛耳聾口苦舌乾往來寒熱而嘔則知病在少陽經也。腹滿咽乾手足自溫或自利不渴或腹滿時痛則知病在太陰經也。煩滿囊縮則知病在厥陰經也。引衣踏臥惡寒或舌乾口燥則知病在少陰經也。潮熱自汗譫語發渴不惡寒逆惡寒者去衣被揚手擲足或發黃斑狂亂五六日不大便則知病在正陽明胃腑也。設若脉證不明誤用麻黃令入汗多亡陽誤用承氣令入太便秘結誤用葶附令入失血發狂正為寒涼耗其胃氣辛熱損其汗液燥熱助其邪熱庸醫殺人不死此為甚傷寒之邪實無定體或入陽經氣分則太陽為首其脉必浮輕

手便得或入陰經血分則少陰爲先其脉必沉重手乃得浮而有力無力是知表之虛實沉而有力無力是知裏之寒熱中而有力無力是知表裏緩急脉有浮沉虛實証乃傳變不當治療之法先分表裏虛實陰陽寒熱標本先病爲本次病爲標先以治其急者此爲第一義也問証以知其外察脉以知其內全在活法二字不可拘于日數但見太陽症在直攻太陽但見少陰症在直攻少陰但見真寒直攻真寒但見一二症且便作張主不必悉具當何如處此爲活法若同而異者明之似是而非者辨之在表者汗之散之在裏者下之利之在上者因而起之下陷者升而舉之從乎中者和解之直中陰經者溫補之若解表不可攻裏日數雖多但有表證而脉浮者尚宜發散此事不明攻之爲逆經云一逆尚引日再逆誤命期若表證解而裏證存者不可攻表日數少但有裏熱而脉沉實者急當下之此事不明禍如反掌經云邪熱未除反加燥熱如抱薪積火矣如直中陰經真寒証然無熱惡寒不渴宜

切忌寒涼此事不明殺入甚速陰証似陽証者溫之陽証似陰証者下之陽毒者分輕重下之陰毒者分緩急溫之陽狂者下之陰厥者溫之濕熱發黃者利之下之血證發黃者清之下之發斑者清之下之諸品者下之溫之痞滿者消之瀉之結胸者解之下之太陽證似少陰者溫之少陰證似太陽者汗之衄血者解之正之發喘者汗之下之咳嗽者利之解之正傷寒者大汗之大下之感胃寒者微汗之微下之勞力感寒者溫之散之溫熱病者微解之大下之此經常之本法也有病一經而用熱藥寒藥之不同如少陰證用白虎湯四逆散之寒藥者少陰證有用四逆湯真武湯之熱藥者庸俗狐疑誰能措手哉嗚乎能察其傷寒之證名而得其傷寒之方脈如此親切乃為良醫是知寒藥治少陰陰乃傳經裏熱也熱藥治少陰乃直中真寒也辨脉定經識證用藥真知其為表邪而汗之真知其為裏熱而下之真知其為直中陰經而溫之如此而汗如彼而下又如彼而溫麻黃承氣投之不謬蓋附理中用

之必當病矣。然必須分輕重緩急。老少虛實。久病新發。婦人胎產。室女經水。大凡有臨產而傷寒者。與男子傷寒治法不同。若無胎產。治亦相同。婦人室女。經水適來適斷。寒熱似瘧者。即是熱入血室。但當和解表裏。公病者。過經不解。壞證也。新發者。始病也。老者。血氣衰少者。血氣壯緩者。病之輕也。急者。病之重也。寒藥熱服。熱藥涼服。中和之劑。溫而服之。戰汗。分四證。要知邪正盛衰。類傷寒四證。照常例而治之也。學者宜究心焉。

傷寒金口訣

這傷寒。世罕稀少。庸醫莫能知。仲景石函節庵。洵千金不易傷寒秘方。不同法。更與四時傷寒各有例。惟有冬月正傷寒。不與春夏秋同治。發表實裏。兩妙方。用在三冬。無別治。真傷寒。真中風。表實裏虛。各自中表虛。自汗。脉浮緩。疎邪實表。有新功。表實無汗。脉浮緊。升陽發表。汗自熱。背惡寒。背脊熱。頭痛脊強。一般說。俱屬太陽膀胱經。有汗無汗。須分別。

有汗表虛無汗實。脉浮緩緊胸中別春夏秋另有方。通用羌活冲和湯。春溫夏熱秋冷濕。隨時加減細斟量。病症與冬皆相似。淺深表裏脉中詳。脉有浮脉有沉。半浮半沉表裏停。有力無力求虛實。或溫或下細推尋。更有汗吐下三法。當施當設莫留停。兩感症。日晡傳。一日太陽少陰連。腎與膀胱脉沉大。口乾頭痛是裏原。二日陽明與太陰。沉長之脉脾胃兼。目又痛。鼻又乾。腹滿自利不能安。三日少陽厥陰病。肝膽脉息是沉弦。耳聾脇痛寒熱縮。古人不治命由天。今有方治補遺。陶節庵泄瀉方。不問陰陽兩感傷。通用冲和靈寶飲。一服兩解。雪裏湯。更明表裏多少病。治分先後細推詳。表病多裏病微。麻黃葛根湯最奇。表緩裏急攻裏調胃承氣急通之。寒中陰經口不乾。身發發熱自下利。脉沉細又無力。回陽救急湯最的。都言兩感無治法。誰知先後有消息。結胸症候分輕重。雙解六二二方見。陽明症不得眠。身乾目痛是根源。柴葛解肌湯一劑猶如渴。急遇甘泉耳能耳脇痛。半表裏柴胡雙解立。吐瀉腹不痛。

咽又乾桂枝太黃湯可斷。太陽發黃頭汗內陳常師湯獨無。自利是臟寒。加味理中湯最端。時行病症身太熱六神通解須當。小水不利導赤飲下焦蓄血憑斯訣。一切下症並結胸。六一順氣分明說。身有熱頭無痛。面赤飲水不下咽。庸醫誤認爲熱症。豈知心火泛上炎。自是戴陽多不曉。復元湯服得安然。身如珠眼似火。發斑狂叫誤認我病在。三焦無人識。三黃石膏湯最可發斑之症。先欬嘔耳聾足冷定無他。休發汗愈斑。爛消斑青黛飲其傷勞力感寒症。又其調藥。悉衡全不換。內傷氣血外感寒。莫與傷寒一例看。身出汗熱又渴。如神白虎湯最確。食積症類傷寒。發熱不惡寒。嘔逆身不痛。頭痛休疑談。只消加味調中飲。氣口緊盛休變延。小水利大便黑。桃仁承氣對君說。然邪傳裏當通。症血熱自利病安貼。吐血衄血另有方。生地苓連湯最切。陰隔陽難通。詳陰極發厥。面戴陽欲起。井中脉無力急救回陽返本湯。水不下咽添血。症加減犀角地黃湯。真中寒真厥症。回陽救急湯連進。陽毒發背上。

洪敷三黃巨勝湯之症。原無熱。精米不與人相類。熱結胸臍。休誤下桂
苓飲。子直奇絕。心下硬痛。利清水。熱結利症。醫莫測。又嚴語。又作渴。吐
熱。黃龍湯。英。口禁。搖頭。名。瘧。座。如。聖。飲。內。抽。添。訣。瘧。後。昏。沉。百。合。病。
柴胡。百。合。湯。休。越。此。陽。症。過。汗。多。頭。痛。振。振。病。不。和。筋。惕。肉。瞤。虛。太。甚。
溫。經。益。元。湯。最。和。男。女。勞。復。陰。陽。易。道。過。湯。治。厥。元。氣。弱。氣。症。類。得。寒。
禁。用。補。劑。與。湯。九。著。中。身。熱。寒。中。冷。浮。風。濕。熱。脉。之。隔。便。閉。喘。逆。難。伸。
屈。加。味。續。命。湯。保。全。撮。空。症。仔細。認。休。認。風。症。誤。入。命。而。衣。被。床。爲。不。
驗。又。手。摸。胸。不。識。人。只。因。汗。熱。相。陽。肺。升。陽。散。火。致。如。神。睡。覺。中。忽。言。
語。夢。寐。昏。神。不。主。湯。粥。與。之。雖。不。顯。形。如。出。酒。多。不。舉。心。火。冠。肺。越。
經。症。渴。心。導。赤。湯。急。取。身。熱。渴。不。頭。寒。神。思。昏。昏。亂。語。言。小。水。不。利。太。
便。黑。誤。投。涼。藥。畏。黃。泉。病。傳。心。肺。夾。血。症。當。歸。活。血。湯。最。安。夾。痰。症。類。
傷。寒。寒。熱。昏。迷。頭。又。咳。涎。出。口。中。爲。瘧。騷。士。情。內。損。陽。之。損。神。出。金。室。
亂。語。言。加。味。導。痰。湯。可。增。太。頭。病。是。天。行。項。腫。惡。寒。熱。並。煎。可。制。茶。連。

消暑飲漿飲喉痺並要症此是先賢千古秘不傳之寶也

出汗良法

○一服多傷寒不得汗出宜薑蔥各半斤煎湯一斗傾太盆中用木板一塊橫加盆上令患人坐臥其上蒸之外以席被圍定露其口鼻外可進發汗藥

○一病人用太指掐住中指中節緊掐其放手指俱屈合掌夾在兩木間中緊緊夾住坐待良久汗自出

○一用發表藥汗不出將蘇葉煎湯以器盛之置於被內兩膝下烘之又法用薑湯綿裹周身擦之其汗即出

○一傷寒連日不出汗昏睡不省身熱語亂此汗不得出也用滾水一大茶壺布包放病人脚下踏之一時汗自下而上其病即愈

○一湯家不得汗出用樟樹白皮搗爛炒熱絹巾包焙熱身上一時汗出即已

○一傷寒發熱頭疼身痛用生薑連翹葱涎等分共搗爛為餅搭臍上常緊軟汗自出而已 王景明傳

○一傷寒無汗或日久汗不出者用甜梨一個生薑一塊同搗為汁再入童便一碗重湯煮熱服之即汗

○一傷寒單潮發熱無汗五七日不大便死在須臾以桃仁承氣湯打下硬糞如石二次即出大汗而已後以溫膽湯二劑調理而安

○一治傷寒發熱頭痛亦治感冒

生薑一塊

核桃七箇打碎連壳

葱白連葉七根

茶葉一撮

右水三碗煎熱服被蓋出汗

○一論傷寒昏迷不省人事以羌活獨活煎入食料每碗可治無則不治肺氣上絕也可治者隨用皂莢半夏生白朮共一錢五分為末入薑汁調服探吐痰涎其效如神

○一論汗出不止將病人髮按在水盆中足冷干外用炒麥熟皮糯米粉

龍骨牡蠣散爲末和勻。周身撲之。其汗自止。

傷寒諸方

○一論冬月正傷寒。頭疼發熱惡寒。項脊強重。脉浮緩。無汗。是足太陽膀胱經表症。若頭如斧劈。身似火炙者。宜此方。

升陽發表湯

麻黃 杏仁 桂枝 甘草 川芎

白芷 羌活 防風 升麻

右剉薑葱豆豉水煎。熱服。出汗。汗出藥止。勿多服。

○一論冬月正傷風。頭疼發熱惡寒。項脊強重。脉浮緩。自汗。爲表症也。此足太陽膀胱經受邪。當發散邪。無汗者不可服。

疎邪實表湯

桂枝 芍藥 甘草 防風 川芎

羌活 白朮 去蘆

右劉生薑三片。棗二枚。水煎溫服。○汗不止加黃芪蜜水炒。○喘加柴胡杏仁。○胸中飽悶加枳殼。麩炒去穢。桔梗。

○一論春夏秋非時感冒其寒。頭疼發熱惡寒無汗。春強。脉浮緊。此足太陽膀胱受邪。是表証。宜發表。不與冬時正陽寒同治法。此湯非獨治三時。寒暑。春可治。痘。夏可治。熱。秋可治。濕。治。濕。病。亦有神也。可代麻黃桂枝湯。木青龍湯。各半湯。乃太陽經神藥也。

羌活冲和湯 又名神解散

蒼朮	<small>一錢</small>	羌活	二錢	防風	<small>一錢</small>	川芎	<small>一錢</small>	白芷	一錢
細辛	三分	黃芩	一錢	生地黃	一錢	甘草	三分		

右劉生薑葱白。水煎熱服。出汗。○胸中飽悶加枳殼。去穢。桔梗。去穢。○夏月加石膏知母。○有汗去蒼朮。加白朮。再不止去細辛。加黃芪蜜炙。如再不止。以小柴胡湯加桂枝芍藥一錢。名神木湯。不作汗加蘇葉。○一論足陽明胃經身熱鼻乾不眠。微惡寒。頭痛。眼痛。鼻痛。脉微洪。宜解肌。

屬陽明經病其正陽明腑病別有治法。

柴葛解肌湯

柴胡

黃芩

葛根

芍藥

羌活

石膏末

白芷

桔梗

甘草

右剉薑棗煎服。本經無汗惡寒去黃芩加麻黃。

○一論足少陽膽經耳聾脇痛寒熱嘔而口苦脈來弦數屬半表半里宜和解此經膽無出入有三禁不可汗下利小便也。

柴胡雙解散 卽小柴胡湯是也加枳芍白芍。

柴胡

黃芩

半夏

湯泡

人參

甘草

白茯苓

白芍藥

右剉散薑棗煎服。○嘔加陳皮竹茹薑汁。○痰多加瓜蒌貝母。○口乾加知母石膏。○心中飽悶加桔梗枳殼。○心下痞滿加枳實黃連肉桂甚錯語心煩不得眠合黃連解毒湯。○小使不利木便泄瀉合四苓散。

來熱而利加炒黃連白芍。

○一論是太陰脾經腹滿而痛咽乾而渴手足溫脈沉而有分此因邪熱從陽經傳入陰經也。

桂枝大黃湯

桂枝

大黃

芍藥

甘草

枳實

柴胡

右劉生薑煎臨服加枳實磨末二匙入藥溫服。

○一論陽寒自受其寒病直中陰經是也初得病無熱無頭疼止有腹痛怕寒厥冷或下利嘔吐不渴脈沉遲無力。

加味理中湯

人參

白朮

乾薑炮

甘草

肉桂

陳皮

右劉生薑三片水煎臨服加木香磨下匙薑汁同服。

○一論足太陰脾經腹滿身自發黃小便不利太便實發渴或頭汗至頸而還脉來沉重者宜用此方

因陳將軍湯

茵陳

大黃

梔子

黃芩

枳實 各一錢

甘草稍 三分 滑石末 二錢 厚朴

右劉滾水煎熱服以利爲度。○但頭汗出身無汗小便不利渴飲水漿身必發黃宜此藥調下五苓散。

○一論傷寒小水不利小腹滿或下焦蓄熱或引飲過多或水短赤而渴脉沉數者以利小便爲先惟汗後亡津液與陽明汗多者則以利小便爲戒。

五苓散

茯苓

猪苓

澤瀉

桂枝

白朮

甘草

滑石

山梔

右劉散水蓋下片燈心二十根入蘊三葉調服○中濕身自黃者加陳○水結胸症加木通燈心如小水不利而見頭汗出者乃陽脫也○如得病起無熱但譫語煩燥不安結米不與入相當此藥治之

○一論傷寒邪熱傳裏大便結實日晡潮熱微瀉枳實芍藥湯足斑黃陽厥潮熱自汗胸腹滿硬漉漉振振等症可代大小承氣湯○氣三乙承氣大紫胡大陶等湯之神藥也○譫言妄語身當有熱脈宜洪亢大手足厥冷脈沉細而微者死

六一順氣湯

柴胡

黃芩

芍藥

枳實

厚朴

大黃

芒硝

甘草

右劉散水煎服入鐵香水三匙調服

○一論身熱渴而有汗不解或經行過渴不解者脈來微洪無渴不可服如神白虎湯

石膏

知母

甘草

糯米

人參

麥門冬

五味子

山梔子

天花粉

右剉生薑一片棗一枚淡竹葉十片同煎服。○心煩加竹茹。○濕溫症熱不退而大便溏者依古方加蒼朮。

○一論陽發既身黃如塗朱眼珠如火狂叫欲走太脉洪數煩渴欲死鼻乾面赤齒黃過經不解已成壞症表裏皆熱欲發其汗病熱不退又復下之太便遂頻小便不利亦有錯治溫症而成此症者又治汗下後三焦生熱脉洪識語晝夜喘息身時加衄狂叫欲死者。

三黃石膏湯

黃連

黃芩

黃柏

梔子

麻黃

石膏

豆豉

右剉生薑細茶煎服

○一治傷寒發黃身口俱黃如金者小便如澀煎柏汁諸藥不効者

茵陳退黃散

柴胡

升麻

茵陳

龍膽草

木通

滑石

黃連

黃芩

黃柏

梔子

甘草

右劉散燈草煎服。○太便寬加大黃。○目精黃倍龍膽草。○虛弱火加人參。○外用生薑搗爛時時於黃處擦之其黃自退。

○一論陽毒發斑狂妄口大渴吐衄面赤脉數有力發斑黃大渴太便燥實上氣喘急舌燥囊縮者難治。

三黃巨勝湯

石膏

黃連

黃芩

黃柏

甘草

大黃

芒硝

枳實

山梔

右劉散藥煎服。

○一論兩感傷寒頭疼身熱惡寒舌乾口燥以陽先受病者先以此湯投

之如陰元受邪者當以六一順氣湯攻其下之如裏先下利者
者又當以四陽救急湯
冲和靈寶飲

羌活

防風

生地黄

川芎

細辛

黃芩

柴胡

白芷

乾薑

石膏

甘草

右劉世榮煎臨服加薄荷十片煎一沸熱服中病即止○冬月去黃芩
石膏加麻黃

○一論熱邪傳裏熱在膀胱其人如狂小水自利太便黑小腹滿身自
黃識語躁渴為蓄血症脉沉有力宜此下盡黑物則愈未服則血自
下者為欲愈不必服

桃仁承氣湯

桃仁

桂枝

大黃

芒硝

柴胡

甘草

青皮

枳實

芍藥

當歸

右劉涓子藥煎臨服入蘇木二錢煎二沸熱服

○一論熱邪傳裏裏實表虛血熱不散熱氣乘虛出於皮膚而為斑也。如疹子重如錦紋重甚則斑爛皮膚或本屬陽候投熱藥或當汗不汗當下不下。後利解者皆能致此不可發汗重令開洩更加斑爛也。其或大便自利腸鳴短氣煩熱不通黑斑主不治凡汗下不解耳聾足冷煩悶欬嘔便是發斑之候。

消斑青黛飲

柴胡

玄參

黃連

知母

石膏

生地黃

山梔子

犀角

青黛

人參

甘草

右劉涓子藥煎臨服入醋一匙服○太便實夫入參加太黃

○一論鼻血成流不止者或熱毒入深吐血不止者並治若見耳目口鼻

並出血者則為土厥下竭不治之症也

生地麥連湯

生地黃

柴胡

黃連

黃芩

芍藥

甘草

川芎

桔梗

山梔子

犀角

如無以升府代之

右劉棗煎臨服入搗韭汁磨墨一匙調之溫服

○一論煩燥渴欲飲水水入不下者屬瘀血在上焦則邪熱入裏也加減犀角地黃湯

犀角

生地黃

當歸

黃連

苦參

枳殼

桔梗

赤芍

紅花

牡丹皮

甘草

右劉生薑一片臨服入藕汁二匙如無韭汁亦可

○一論有傷寒吐血將鮮未盡或熱極及吐血不盡醫不知其症遂用涼藥之劑止住其吐血留結於心胸之分故胸痛而成血結胸也用如減

犀角地黄湯治之

○一論傷寒初起無頭痛無身熱便就怕寒四肢厥冷或過於肘膝或腹
痛吐瀉或口吐白沫或流冷涎或戰慄面如刀刮引衣蜷卧不渴脉濡
遲無力即是寒中除經真寒症不從陽經傳來

回陽救急湯

大附子製

乾薑

人參

肉桂

半夏

五味子

白茯苓

甘草炙

白朮炒

陳皮

右剉薑棗煎服○無脉者加猪膽汁一匙○嘔吐不止加薑汁○泄瀉
不止加升麻黃芪○嘔吐涎沫或有小腹痛加鹽炒吳茱萸

○一論陰極發陽微渴面赤欲坐臥於泥水井中脉沉遲無力或脈急而
欲絕者不可服涼藥若誤認爲熱症而用寒藥死不可復生矣服熱藥
而燥不止者宜再服燥自定矣決不可服涼藥也

回陽返本湯

大附子經要火煨去皮時

乾薑炮

甘草炙

人參

肉桂

麥門冬

五味子

陳皮

臘茶

右劉薑環煎臨服入蜜二匙頓冷服之○無脉加猪膽汁一匙○醒者入薑汁炒半夏

○一論傷寒瘧後昏沉發熱渴而譫語失神及百合勞復食復等証柴胡百合湯

柴胡

人參

黃芩

百合

知母

茯苓

芍藥

龍甲

甘草

右劉薑環煎臨服入生地黃搗汁一匙溫服

○一論傷寒重症寒濕則成剛柔二症頭面赤項強手足搐頭搖以禁背張與瘧飛同治法

如聖飲

羌活

防風

川芎

白芷

柴胡

芍藥

當歸

烏藥

半夏

黃芩

甘草

右剉散。生薑三片水煎。臨服入薑汁竹瀝溫服。○有汗是柔症加白朮桂枝。○無汗是剛症加麻黃杏仁。○口燥咬牙者太便實用大黃利之。○一論汗下後頭眩振振欲倒地及肉瞤筋惕或大汗後衛虛亡陽汗出不止或下後利不止脈來無力。

溫經益元湯

大附子製

人參

白朮去蘆

甘草炙

白芍炒

當歸酒洗

黃芪蜜炒

生地黄

乾薑

肉桂

右剉薑棗糯米炒水煎溫服。

○一論傷寒後血氣未平勞動助熱復還於經絡因與婦人交接淫慾而復發不易有病者謂之勞復因交接淫慾而無病人反得病者謂之陰陽易予聞見舌出數寸而死者多矣此症最難治然症後發大熱者

沉錯語失神小腹絞痛頭不能舉足不能移眼中生花百節解散氣
冲胸男子則陰腫入腹刺痛婦人則裏急後重引腹內痛此男女勞
復陰陽易也宜服

逍遙湯

人參

知母

竹青

如卵縮腹痛倍加黃連甘草

滑石

生地黃

韭根

柴胡

犀角

右剉薑棗煎臨服入燒褌襠末一錢半調服有汗出為效汗不出再服
以小水利陰頭腫即愈

○一論傷寒熱症入手摸心循衣摸床譫語昏沉不省人事俗醫不識見
病便為風症而因用風藥誤人多矣殊不知汗熱乘於肺金元氣虛不
能自主持名曰撮空症小便利者可治不利者不可治
升陽散火湯

人參

當歸

黃芩

柴胡

麥門冬 去心

芍藥

白朮去心陳皮

白茯苓去心甘草

右剉黃連入金匱湯煎服○有痰加半夏○太便燥實者

渴加大黃○泄瀉者加升麻白朮炒○一論患頭疼發熱項脊強惡寒無汗用發汗藥三劑汗不出者此陽虛不能作汗名曰無陽症宜

打造散

黃芪

人參

桂枝

甘草

熟附子

細辛

羌活

防風

川芎

煨生薑

白芍炒

右剉棗二枚水煎溫服○夏月加黃芩石冬月不必加

○一論右患心下硬痛下利純清水請證發熱身無膚骨不識此病者

下利復陷為瀉底傷寒而使用熱藥止之就知邪新積火誤入死地矣殊不知此因邪熱傳裏胃中燥屎結實此利非內寒而利乃且逐日

黃龍湯

飲湯藥而利也直意下之名曰結熱利症身有熱者宜用此湯

大黃

芒硝

枳實

厚朴

甘草

人參

當歸

右劉益幾煎再加桔梗煎一沸熱服○年老氣血虛者去芒硝

○一論有患頭皮身熱惡寒微渴漉然汗出身痛脚腿酸疼無力者以脈空浮而無力者因見頭疼惡寒發熱候呼為正傷寒而大發其汗所以輕重而害人者多矣殊不知勞力內傷氣血外感寒邪者其溫之劑則愈名曰勞力感寒症宜服調榮養胃湯

黃芪

人參

白朮

陳皮

當歸

柴胡

甘草

即補中益氣湯去升麻加川芎羌活防風

右劉生薑棗子葱白煎服。○內傷夾外感者以補中益氣湯八味為生
從六經所見之症加減用之。○如見太陽症頭項痛腰脊強加羌活獨
本桂枝。○如陽明則身熱目痛而鼻乾不得臥加葛根倍升麻。○如少
陽則胸脇痛而耳聾加黃芩半夏川芎倍柴胡。○如太陰則腹滿而噤
乾加枳實厚朴。○如少陰口燥舌乾而渴加生甘草桔梗。○如厥陰煩
滿囊縮加川芎。○如變症發斑加葛根玄參倍升麻。○內傷夾痰加半
夏竹瀝仍入薑汁傳送。

○一論傷寒漸變神昏不語或睡中獨語二句。目赤神焦將水與之則
睡不與則不思形如醉人此邪傳入心經因心火上而過肺所以神昏
故名曰越經證宜用

瀉心導赤飲

黃連

黃芩

甘草

犀角

麥門冬

滑石

山梔

茯神

知母

人參

右劉散黃連燈心煎服入生地黃汁二匙

○一論有患傷寒無頭痛無惡寒身微熱面赤微渴目無精光口出無倫

語脉數無力此汗下太過下元虛弱此無根虛火浮上名曰戴陽症耳

復元湯

熟附子

甘草

乾薑

人參

五味子

麥門冬

黃連

知母

芍藥

右劉散黃連燈心煎服入童便三匙溫服

○一論傷寒初得症無熱狂言煩燥不安精米不與人相當不可認為發

狂而用下藥死者多矣不知此因邪熱結膀胱名曰如狂症宜用

桂苓飲子

猪苓

澤瀉

桂枝

甘草

黃柏

知母

白朮

山梔

滑石

右劉生薑燈心二十四葉煎服

○一論有患無頭疼無惡寒止發大渴小使利大便秘口出無倫語此內傷血證肝脾之症使久昏迷沉重錯語故名夾血如見鬼祟當歸活血湯

當歸

赤芍

甘草

紅花

桂枝

乾薑炒

枳殼炒

柴胡

人參

生地黃

桃仁泥

右剉薑一片水煎入酒三匙同服三劑後去桃仁紅花乾薑桂枝加白朮茯苓

○一論有患增寒壯熱頭痛昏沈迷悶上氣喘急口出涎沫此因內傷七情以致痰迷心竅神不守舍神出舍空空則痰生也名曰夾痰如鬼祟癰症類傷寒與此同治法加味導痰湯

茯苓去皮

半夏湯泡

南星薑炒

枳實炒

黃芩

白朮

去蘆

陳皮

桔梗

黃連

瓜蒌仁

人參

甘草

右劉薑棗煎臨服入竹瀝薑汁同服

○一論食積類傷寒頭疼發熱惡寒氣口脈緊盛但身不痛此與傷寒經云飲食自倍腸胃乃傷輕則消化重則吐下宜用

加味調中飲

蒼朮

米泔浸炒

厚朴薑汁炒陳皮

白朮

去蘆炒

山楂去子

神麴

炒

枳實

麴炒

草果

黃連

薑炒

甘草

乾薑

炮

右劉生薑煎服○腹中痛加枳仁○痛甚太便實熱加大黃下之去草

果乾薑右劉散薑棗煎臨服入竹瀝薑汁同服

○一論脚氣類傷寒頭疼身熱惡寒支節痛便閉嘔逆脚軟屈不能轉動但起於脚膝耳禁用補劑及淋洗宜服

加減續命湯

防風

芍藥

白朮

川芎

防己

桂枝

麻黃

甘草

蒼朮

羌活

右剉碎棗燈心煎服。○暑中三陽所患必熱脉來數去附子桂枝麻黃加黃芩黃柏柴胡。○寒中三陽所患必冷脉來遲加附子。○起於濕者脉來弱加牛膝木瓜。○起於風者脉來浮加獨活。○元氣虛加入參少許。○大便實加大黃。

○一論天行太乙病發熱惡寒頭項腫痛脉洪取作瘥火治之其喉源者亦照此方治之。

天行通毒湯

柴胡

甘草

桔梗

川芎

荆芥

黃連

防風

羌活

枳殼

連翹

射干

白芷

鼠粘子

右劉散生薑煎服加竹瀝薑汁同服○先加大黃利一二次○後依本方去大黃加入參當歸調理

○一論三月前後謂之晚發感冒寒疫頭眩發熱惡寒體痛而渴脉浮緊有力無汗年力壯盛之人用羌活中和湯恐緩故用此

六神通解散

麻黃

甘草

黃芩

石膏

滑石

蒼朮

川芎

羌活

細辛

右劉薑葱豆豉煎熱服出汗中病即止

○一論傷寒虛煩心驚微熱四肢無力體倦者又治六七日別無別症候昏沉不知人事六脉俱靜者無脉欲出汗者宜此

安神益志湯

柴胡

人參

麥門冬

知母

五味子

竹茹

茯神

遠志

生地黃

當歸

黃連 黃連 甘草

右劉散並煎服。

○一論傷寒頭痛發熱身痛惡寒口乾不思飲食時醫誤投發表攻下之藥過多發得表虛上氣喘急口乾不食肢體皆沉冷汗大出以致亡陽等症用此。

加減補中益氣湯方見內傷依本方加柴胡升麻用蜜炒白芍酒炒桂枝酸棗仁炒熟附麻黃根浮小麥倍加黃芪。

○一論傷寒頭痛發熱口乾煩服發表解肌之藥而日晡發熱尤甚或日輕夜重此陰虛火動也宜用。

六味地黃丸方見勞瘵依本方六味作湯藥加酒炒黃柏知母。

○一論傷寒孤感多眠聲啞及唇口生瘡宜用。

槐子

槐仁

艾各一兩

棗子十五箇

右劉每服五錢水煎溫服。

○一論汗吐下後，心胸滿悶，或頭痛微汗，虛煩不得眠，反覆顛倒，心中懊
懣，乃燥熱拂鬱於內，而氣不宜通故也，宜服

梔豉湯

肥梔子 淡豆豉

右水煎溫服。○煩燥者，懊懣不得眠也。懊懣者鬱悶不舒之貌。煩者氣
也。火入于肺也。燥者血也。火入於腎也。故用梔子以治肺煩，且豉以治
腎燥。少氣虛滿，加甘草。○嘔噦加生薑橘皮。○有宿食而煩燥者，加大
黃。○下後腹滿而煩，加枳實厚朴。○下後身熱而煩，加甘草乾薑。○瘧
後勞復，加枳實。

○一論傷寒已經汗下，表裏俱虛，津液枯竭，心煩發熱，氣逆欲吐，及諸煩
熱並宜服之。

竹葉石膏湯

石膏二錢

半夏一錢

麥門冬 去心 一分 人參 一錢

甘草一錢

右剉下。情青竹葉生薑各五六片。粳米百餘粒。水煎服。熱極發狂倍加知母石膏。

○一論陽毒傷寒藥下雖通結胸不軟痛楚喘促或發狂亂者宜用地龍水。

大白頸地龍四條洗淨研爛入生薑自然汁一匙白蜜半匙薄荷汁一匙更入片腦一分或半分研勻徐徐灌令盡良久漸快轉睡一頓飯時久即與揉心下片時再令睡當有汗則愈若服下半時不應須再服一次効。

○一論傷寒自汗太便秘結不通且便於老人并日久不能服藥者又恐硝黃變為別症又有屎已入直腸者以此法最便益。

蜜煎道方見太便煎。

○一論傷寒陽明自汗反小便利而太便秘硬不可攻者用此。

猪膽汁道法方見大便難

○一傷寒小便不通先將麝香半夏填患人臍中上用葱白四根搗成餅封於臍上用布帶縛住良久下用皂莢燒烟燻入陰中其水自通婦人亦用皂莢煎湯耳洗不便處小水亦通

○一論傷寒日久數過多其熱不退夢寐不寧心驚恍惚煩燥多痰宜竹茹溫膽湯

柴胡二錢	竹茹一錢	桔梗一錢	枳實一錢	黃連一錢
人參五分	麥門冬五分	陳皮一錢	半夏九分	茯苓一錢
香附八分	甘草三分			

右剉一劑生薑三片棗二枚水煎溫服

○一論傷寒曾經汗下後而熱不退頭疼不清脉數實身尚煩燥渴不止是陰陽交此症甚危其人平素有積熱而或因心事起火也宜用加減解毒湯

黃連二錢

梔子五錢

黃芩五錢

柴胡二錢

知母二錢

乾葛一錢

羌活二錢

防風一錢

連翹一錢

人參五錢

當歸一錢

生地黃一錢 甘草一錢

右剉一劑水煎溫服。

○一論傷寒新瘥方起勞動應事或多言勞神而惟復發熱者曰勞復
益氣養神湯

人參一錢

白茯苓七分 當歸

白芍

麥門冬

知母

梔子各一錢 前胡七分

陳皮五分

升麻三分

生甘草三分

右剉一劑漿下投水煎溫服。

○一論傷寒勞復身熱大小便赤如血色者。

胡黃連一兩

山梔子二兩

去皮人蜜半兩拌和炒令微焦二味搗羅

為末用豬腸子和丸如梧子大每服用生薑一片烏梅一箇童便三

合發半日去渣食後緩小便同溫下十九立效

○一傷寒婦人得病雖瘥未滿百日不可與男入交合為陰陽之病必而急手足拳攣欲死丈夫病名為陰易婦人名為陽易連當汗之常瘥滿百日不可療宜服此藥

乾薑四兩為末每服二錢米湯調頓服覆衣被出汗得解手足伸逆愈

○一論傷寒汗下後不解或投藥錯誤致患人困重至死或陰陽二症不明七日以後皆可服或終日昏悶不省人事發熱發渴似有狂言一切危急之症宜此服後額上鼻尖有微汗是其應也

奪命獨參湯

揀參一兩

右切作一劑水煎不拘時服渣再煎服

○一論傷寒見吐瀉者雖有大熱不可下之蓋胃虛寒則就上膈大凶

非急用炮乾薑理中湯加烏梅二箇花椒十粒益蛇聞酸苦則安却以小柴胡湯退熱

理中湯

人參

白朮去蘆炒乾薑炮

甘草炙

右剉薑棗煎服。

○論陰陽二症結胸神効方此勝隔胸承氣瀉心三方

鶴頂丹

白礬一錢 銀硃五分

右同研爲末用小瓦盞置炭火上抄末一錢入盞中熔化急搗丸如
遇前症每用丸研細茶清調勻溫服或入薑湯少許其心上有微聲
微聲結者自散不動臟腑不傷真氣無間虛實皆可用之益白礬化痰
解毒銀硃是水銀煉成能破積故治結胸又治痰火聲嘶神効

薑炭法

治傷寒胸膈不寬一切寒結熱結水結食結痞結血結痰結支結大小
 結胸痞氣結者俱用生薑搗爛如泥去汁取渣炒熱絹包漸漸揉熨心
 胸脇下其滿痛豁然自愈如薑渣冷再入薑汁再炒再熨熱結不用炒
 ○一傷寒結胸有痰有熱有氣滯并咳嗽失聲喘急口渴等症
 解熱下痰湯

蘇子

白芥子

枳實

黃連

黃芩

黃栢

杏仁

烏梅

石膏

瓜蒌

桔梗

甘草

右劉生薑三片水煎頓服

○一傷寒結胸聲啞用白果去殼搗爛加蜜調勻重湯煮熟薑成塊取出
 無時服濃茶送下立已

○一傷寒濕鼠方

黃連

生薑

艾葉

苦參

右劉水煎服

○一熱病有膿上下食久

猪膽一枚苦酒一合同煎三兩沸滿口飲之蟲立死即愈。

四時感冒

○一論四時傷寒瘟疫頭疼寒熱往來及治內外兩感之症春月得病宜用此方

香蘇散

紫蘇葉二錢香附三錢 陳皮三錢 甘草五分

右剉薑蔥煎熱服。○頭痛加川芎白芷細辛。○發汗加麻黃蒼朮。○咳嗽加杏仁桑白皮。○疹痘未成加升麻乾葛。○痢疾加枳殼黃連。○瘡疾加檳榔草果。○泄瀉加白朮茯苓。○惡寒潮熱加桂枝麻黃。○身疼加羌活烏藥。○胸膈飽悶加桔梗枳殼。○心下痞加枳實黃連薑炒。

有痰加半夏○嘔吐加藿香半夏○脚膝拘攣加木香檳榔羌活木瓜
名檳蘇散○口乾加乾葛○夾食加山楂神麴
○一論時令不正瘟疫流行感冒發熱惡寒頭疼身痛咳嗽喘急或欲吐
疹此藥不問陰陽兩感並宜服之

才神湯

川芎

甘草

麻黃

紫蘇

白芷

升麻

陳皮

香附

赤芍

乾葛

右剉每二兩薑葱煎熱服出汗○潮熱加黃芩麥門冬○咳嗽加桔梗
桑白皮半夏○頭痛加細辛石膏葱白○心膈脹滿加枳實半夏○胸
膈膨悶加枳殼桔梗○飲食不思加砂仁白朮○嘔逆加丁香砂仁○
鼻衄不止加烏梅黃芩○腹痛加酒炒白芍○冷氣痛加官桂○大便
閉加大黃芒硝○痢加枳殼當歸

○一論傷寒頭痛壯熱惡寒及傷風痰涎咳嗽鼻塞聲重四時瘟疫

頭面腫痛痢疾發熱諸般瘡毒及小兒驚風喘嗽痘疹時行一切惡毒
並治

人參敗毒散

柴胡

前胡

羌活

獨活

枳殼

桔梗

茯苓

川芎

人參

甘草

右剉一兩生薑薄荷煎服○咳嗽加半夏○熱毒加黃連黃芩黃柏
手○風熱加荆芥防風名荆防敗毒散○酒毒加乾葛黃連○瘡毒加
金銀花連翹去人參

○一論四時傷寒傷風頭痛項強壯熱惡寒身體煩痛咳嗽上雍涕唾稠
粘目汗惡風等症宜服

消風百解散

蒼朮

荆芥

麻黃

白芷

陳皮各一錢

甘草三分

右劉一劑重煎可服。○咳嗽加烏梅、升麻、葛根湯同服。

○一論傷寒時疫增寒壯熱頭疼身痛發熱惡寒身重不得眠寐煩渴不
不時人多病疫乍暖脫衣及小兒痘疹已發未發疑似之間並治
升麻葛根湯

升麻

葛根

白芍

甘草

右劉一兩生薑煎服。○頭痛加葱白煎熱服。○咳嗽加杏仁桑白皮
上焦熱加黃芩薄荷。○無汗加麻黃。○因痛加桔梗。○發背丹毒加玄
參。

○一論傷寒傷風頭疼發熱口乾鼻涕四時瘟疫流行先用
發表散。

葛根倍用

西芎

黃芩

甘草

右劉一劑生薑三片葱白二根水煎熱服出汗。

○一論傷寒無汗頭疼發熱身痛口乾等症宜服。

發表丸

甘草

麻黃

升麻

葛根 各四兩 蒼朮 二兩

右為細末煉蜜為丸如肥皂子大每服下丸生薑豆湯下如過三百外加黃酒一鍾再加一丸

○一論傷寒前三日在表法當汗可用雙解散連進數服必愈
雙解散 自後二方

防風通聖散方見中風益元散方見中暑此二方合而服之當得汗而解若不解者病已傳變

○一治傷寒行軍散秘方

葦豆麻黃各一升雄黃三錢共為末每服下錢重者二錢無根水下走出汗愈

○一治四時感冒傷寒發汗後經中餘熱未解

柴胡

前胡

枳殼

桔梗

連翹

黃芩

赤芍

乾葛

茯苓

半夏

川芎

薄荷

甘草

右劉生薑煎服。○煩燥加麥門冬淡竹葉。

○一論傷寒太熱不止煩燥乾嘔口渴喘滿陽厥極深蓄熱內甚及汗吐

下後諸藥不能退其熱者用。

黃連解毒湯。

黃連

黃芩

黃柏

梔子

右劉水煎服。

○一治傷寒熱極發狂不認親疎燥熱之極長垣成都憲傳

用熊膽一分研末涼水調服立効。

○一論惡風寒得流涕涕寒禁噴嚏此脾肺氣虛不能實腠理。

補中益氣湯方見內傳依本方加麥門冬五味子。

○一治傷風感冒頭疼發熱。

古石灰 藁豆粉 鬧羊花 各等分

右為末每少許吹兩鼻一二次効

○一論傷風寒後餘毒未散上攻頭頸鼻塞聲重怒氣上攻時常有血從
腦上落至口中或出紅痰此陽道未利作梗非血症病也

防風 五分 川芎 七分 辛夷 五分 甘草 生口分薄荷 五分

羌活 三分 獨活 七分 升麻 六分 葛根 七分 白芷 四分

藥本 四分 黃芩 酒炒 八分

右剉一劑生薑下片水煎服清陽道以通關竅然後可以表正也次服

人參養榮湯

熟地黃 六分 白芍 七分 麥門冬 一錢 五味子 六箇 黃柏 酒炒 三分

遠志 四分 陳皮 三分 人參 四分 白朮 六分 白茯苓 四分

歸身 酒洗 四分 川芎 四分

右剉一劑水煎溫服

中寒

脉中寒緊瀉陰陽俱盛法當無汗有汗傷命

○一論中寒卒倒昏迷不省者先用熱酒薑汁各半盞灌服稍醒後進理中湯方見下後

○一論真陽症四肢厥冷腹痛如錐脹急服太附薑桂如冰此中焦寒之甚且急灸臍上一穴臍下一穴臍左右兩穴每七壯即効

○一論四肢渾身冷極唇青厥冷無脉陰囊縮者宜急用葱熨法并灸臍中與氣海關元二三十壯

○一論三陰中寒一切虛冷厥逆嘔噦陰盛陽虛及陰毒傷寒口肢厥冷臍腹刺痛咽喉痛嘔吐下利身背強自汗脉沉細唇青面黑諸虛寒等症宜用

葱熨法

葱細切

麥麩

各三升

鹽二升

右用水和勻分作一沃炒令極熱用重絹包之乘熱熨臍上令更易一包其葱包既冷再用永拌濕炒焦依前用之至糜爛不用別取葱麩日夜熨之勿住如大小便不通用此亦可以行其勢

○一論五臟中寒口噤失音四肢強直蕤胃脘停痰冷氣刺痛又治臍下寒泄利腹脹大便或黃或白或毒黑或有清穀宜此方

理中湯

人參去蘆

白朮

去蘆炒乾薑炒

甘草炒各二錢

右剉一劑生薑三片棗一枚水煎服○如寒冷之甚加大附子炮裂煨去皮臍一錢名附子理中湯○苦寒加乾薑五分○腹痛去白朮加附子一錢

○一中寒脉虛而微細雖燥熱煩渴可煎理中湯水中浸冷服之不可熱服用寒涼藥服之決死

○一論中寒怕寒身涼四肢厥冷腹痛吐瀉無脈者此寒中陰經也宜服此方

回陽救急湯

人參 去蘆

白朮 去蘆炒 白茯苓 去皮 陳皮

半夏 湯泡

乾薑 炒

肉桂

大附子 炮去 五味子

甘草 炙

右劉生薑煎服。○無脈加豬膽汁一匙。

○一論中寒外感寒邪頭疼身痛內傷生冷肚腹脹痛表裏皆中寒邪也宜此方。

五積散

白芷

陳皮

厚朴 薑炒

桔梗

枳殼 去穢炒

川芎

白芍 酒炒

白茯苓 去皮

蒼朮 米泔浸 當歸 酒洗

半夏 湯泡各 乾薑

官桂 各五分 麻黃 八分

甘草 三分

右劉生薑煎服。

○一治陰毒傷寒面青心硬四肢冷
正陽散

大附子

乾薑

甘草

麝香

皂莢引入厥陰

經也。

右剉水煎熱服。

瘟疫

脉陽瀉弱陰弦緊更遇濕氣變為瘟疫。

溫病汗不出出不至足者死厥逆汗自出脉堅強者生虛軟者死。

○一論天行瘟疫傳染凡患瘟疫之家將出病人衣服於壁上蒸過則不
家不染若親戚鄉里有患瘟疫欲去者問先將清油抹鼻孔任進氣出
外又將棉撚於鼻內探取噴嚏三五個則不染○又方以雄黃末塗於
孔行動從客位而入男子病微氣出於口女子病微氣出於陰門其相

對坐立之間必須識其向背

一斷瘟疫法。令人不相傳染。密以艾灸病人床四角各十壯。勿令人知。秘法也。

○一論瘟疫之氣。令人不相傳染。瘟疫病及傷寒。用

屠蘇酒

屠蘇酒。屠蘇。名。羽帳。名。豐貴之家。正且春。屬金。羽帳之中。飲此酒。為

大黃十五銖

白朮十銖

桔梗十五銖

川椒

十五銖。二銖。即金之二

防風六銖

烏頭六銖炒

桂枝十五銖

葶藶

六銖。即金之二

雨為一

右咬咀。絳囊盛。以十二月晦日。早懸沉井中。至泥。正且平曉出。置酒

中。屠蘇之東向。戶中飲之。屠蘇之飲。先從小起。多少自在。一人飲。一家

無病。一家飲。一車無恙。飲藥酒。三朝還置井中。若能歲歲飲。可代代無

病。當家內外。井皆悉著藥。辟瘟氣也。忌豬肉。生葱。桃李。雀肉等物。

○一宜辟辟瘟方。用臘月二十四日。井花水。在平且第一汲水。盛淨器中。

量入口多少浸乳香至歲旦五更暖令溫從小至大每次以乳香一小塊飲水一二呷盡下則一年一家不患疫

○一凡入溫病之家常以雞鳴時存心念四海神名三七遍百邪不犯

東海神阿明 西海神巨乘 南海神祝融 北海神禺强

每入病人室存心念三遍勿出口

○一論瘟疫之病皆是大熱之症不可妄用熱藥

天靈蓋取生白者用雄黃爲末醋調搽上內外抹之辟瘟每用重便或解毒湯太涼藥將天靈蓋磨濃服之立効

○一治瘟疫不相傳染方用赤小豆以新布袋盛入井中浸一百日舉家各服一十粒

辟穢丹

乳香 蒼朮 細辛 甘松 川芎

降真香

右為木烈火焚之疫邪遠避

○一九味羌活湯治瘟疫初感工下日間服之取汗而愈其効如神

○一論衆人病一般者天行時疫也其症頭面腫大咽喉不利舌乾口燥

增寒壯熱時氣流傳不問四時瘟疫通用此方

加減敗毒散

防風

荊芥

羌活

獨活

前胡

升麻

乾葛

赤芍

桔梗

川芎

白芷

薄荷

牛旁子

甘草

柴胡

右剉薑蔥煎熱服出汗

○一論時毒頭面紅腫咽喉壅塞水藥不下若素有臟腑積熱發為腫毒

疔瘡一切惡毒紅腫而痛宜此方

漏蘆湯

漏蘆二錢

升麻一錢五

玄參一錢

牛旁子炒一錢

連翹一錢

桔梗一錢

黃芩酒洗錢五分

大黃酒浸

甘草各一錢

藍葉一錢半如無以青黛五分代之

右剉一劑水煎服太便實加芒硝一錢。

○一治太頭瘟病額大項腫。

八聖散 大尹詩印洲傳

黃芩

黃連

黃柏

蒲黃各五錢雄黃

蛇退炒

雞內金炒

白丁香各二錢

右為末每服一錢用藍龍根煎湯送下。

瘴氣

○一論夾山瘴瘴源蒸毒之氣其狀血乘上焦病欲來時令人迷悶發燥狂妄亦有啞不能言者皆由敗血凝滯毒涎聚於脾經所致宜驅瘴湯

人參

柴胡

黃芩

半夏

大黃

枳殼

甘草 各等分

右剉每服二兩，薑棗煎，空心服。○啞瘡，食後服。

○一論海內縉紳遊宦四方，水土不服，常用此方。若任兩廣尤宜多服，理脾却瘴湯。

陳皮 炒

白朮

去蘆炒 茯神 去皮木

黃芩 炒

梔子 炒

半夏

薑製各 神麴 炒八分

山查肉 一錢

黃連 薑汁炒

前胡 各七分

蒼朮

米泔浸 鹽水 炒八分

甘草 五分

右剉生薑煎服，不拘時。下旦一服，或間日一服，可免瘴病。何也？蒼白朮去濕，今連清熱解毒，二陳化痰，查麴理脾，百病自却矣。更宜戒酒色，慎起居。

○一論四時不正之氣，寒瘴時氣，山嵐瘴氣，雨濕蒸氣，或中寒腹痛吐利，中暑冒風吐瀉，中濕身重泄瀉，或不伏水土，脾胃不和，或飲食停滯，復

感外寒頭痛增寒或吐逆惡心胸膈痞悶或發寒熱無汗者其霍亂正氣散主之方見霍亂

○一論四時傷寒瘟疫時氣及山嵐瘴氣寒熱往來霍亂吐瀉下痢赤白或出遠方不伏水土並治之。

不換金正氣散

蒼朮米泔浸 陳皮

厚朴去片薑汁炒 藿香

半夏湯泡薑汁炒 甘草

右剉薑棗煎服。

一頭痛加川芎白芷。

一口燥心煩加柴胡乾葛。

一瘧疾加常山檳榔草果。

一咳嗽加桔梗杏仁五味子。

一身體疼痛加麻黃桂枝赤芍。

一有濕加白朮茯苓名除濕湯。
一潮熱加柴胡黃芩。
一冷瀉不止加水香柯子肉豆蔻。
一痢疾加黃連枳殼去藿香。
一喘急加麻黃蘇子桑白皮。
一感寒腹痛加乾薑官桂。

一嘔逆加丁香砂仁。一氣塊加三稜枳殼檳榔小茴香。

一熱極太便不通加大黃芒硝。一腹脹加香附枳殼白豆蔻。

一胸膈脹滿加枳實砂仁莪朮。一兩足浮腫加木瓜大復皮五加皮。

一加入參茯苓草果名入參養胃湯。

一加川芎官桂煎吞安腎丸治脾胃肝腎俱虛風入四體筋骨結痛不

仁仍早晨常服炒黑豆淋酒。

○一論傷風傷寒頭目不清如被疫氣所侵之人少覺頭昏腦悶急取嚏之毒氣隨散永無傳染真仙方也。

救苦散

芎藭藜蘆三。雄芷皂角四。玄胡牡丹皮。朱砂為伴侶。

一點透玄門。起死回生路。有人知此術。永無傷寒苦。

川芎。藜蘆各三錢牡丹皮。玄胡索。

朱砂二錢。雄黃水飛。白芷。牙皂各四錢。

右爲末用一些兒先嚙水在口中以竹筒吹入兩鼻內噴之出清涕爲佳凡猪類受瘟者咬之卽愈

中暑

虛微細弦芒遲皆爲中暑不可汗下但解熱利小便爲要

夫暑者乃長夏盛熱之令也人當避熱之亢相安於清涼之宜毋冒灼灼毋致愴愴其知道者夏以泰陰扶陽順之則祥逆之則殃故三伏炎灸三暑蒸蒸膝理閒洩真氣不藏孫思邈云長夏宜服五味子人參麥門冬以收耗散之金真氣不足者倍加人參其不善養將坐臥於風涼之處扇不息於寢寐之時或拭以冷布或浴以涼泉則膝理震浸逆其時令卽病曰傷暑矣其藏於肌表之間至秋收斂陽回邪正交爭故寒熱競作病名曰瘧者也其有過食瓜果好飲梅漿冷水吞食食水及受食涼粉生蔬此傷暑於腸胃或爲霍亂等症煩於秋病發曰痢疾即寒

等症此皆人傷於暑者也創傷于道途及乘虛而冒暑或應氣之兼勝而病曰暑病感之深者曰中暑皆作頭疼昏憒發熱傷寒則身熱而脈大惟傷暑則身熱而脈小又有暑風者神昏身倦拘急類若中風其症相似此爲極重之候蓋必其人元氣素弱真陰不足感於金消水涸之時則內外兩虛法當清補倍加生肌散綠蓮乃陽分陰內表裏不實清暑益氣湯最爲精確以香茹飲爲却暑之藥

○一論暑者天地炎蒸之氣中之多成吐瀉身熱頭痛煩渴甚則昏迷不知人事如渴是病切不可飲以冷水令臥濕地當以熱湯灌之候其甦醒投之以藥可也盛暑時切戒勞苦淫慾之事諺云六月莫入房勝似灸膏肓誠是言也虛弱之人尤宜謹焉

○一論凡行人或農夫於日中勞役得之者名曰中熱其病必苦頭痛發熱熱熱熱捫之肌膚大熱必大渴引飲汗大泄無氣以動乃爲不熱外更用氣也宜入參白虎湯主之方見前卷

○一論凡入避暑於深堂大厦而得病者名曰中暑其病必頭痛惡寒身
形拘急肢節痛而煩心煩膈大熱無汗為房室之陰寒所遏使周身陽
氣不得伸越直用辛溫之劑以解表散寒五積散主之方見中寒
○一論傷暑則脉虛而身熱口燥而乾或吐或瀉或背惡寒者蓋暑熱
心不受邪則包絡受之包絡相火此火助火則熱盛而昏不醒也夫
清心利小便為主

黃連香薷飲

川厚朴去皮薑汁浸少五錢

白扁豆微炒五錢

香薷去土五錢

加黃連薑汁炒名黃連香薷散

右剉丁剉水煎入酒一分沉冷不拘時服熱則作瀉心煩熱多或吐
逆加薑汁炒黃連○手足搖擲不省人事加黃連羌活○小便不利加
滑石赤茯苓○吐加藿香陳皮少加薑汁嘔加生薑半夏○口渴加
乾葛天花粉○瀉利加白木茯苓○脉虛弱加入參五味麥門冬○虛

汗不止加黃芪白朮○心煩燥加梔子薑炒黃連調辰砂末服之○胸

膈飽悶加枳殼桔梗○一論傷暑飲冷當風取涼嘔吐不止用

二陳湯合香薷散加生薑烏梅煎服

○一論一切外感風寒暑濕之病肉傷飲食生冷之症悉宜此方
二香散

香薷一錢二扁豆炒

厚朴薑汁炒黃連薑汁炒

半夏薑汁

陳皮

大腹皮

桔梗去蘆

紫蘇

白茯苓去皮

蒼朮米泔浸

白芷

各一錢甘草二分

右剉一劑薑棗煎服

○一論夏月暑中危篤而太便下血者

香薷解毒湯

萬香薷

錢厚朴薑炒

白扁豆炒

山梔炒

黃連炒

黃柏炒

黃芩炒各二錢

右剉水煎服。

○一論傷暑身熱煩渴引飲小便不利者此胃脘積熱也。

益元散

丁名天水散

丁名六一散

白滑石水飛六兩

粉草微炒丁兩

右為細末每服二三錢加蜜少許熱湯冷水下如欲發汗以葱白厚
取煎湯調下。○或用生蜜和為丸如彈子大每服下丸涼水研化服亦
可

○一論傷暑身熱口乾煩渴心神恍惚小便赤澀大便泄瀉者此脾胃虛
而陰陽不分也宜服

五苓散

猪苓

澤瀉

白朮去鹽

白茯苓去皮肉桂

右剉散白朮煎服。○本方去猪苓名四苓散。○加茵陳名茵陳五苓散。○

加辰砂名辰砂五苓散。○一方加大黃治初痢亦治積聚食黃并酒疸
量入虛實多則三錢少則二錢須煎藥八分熟然後入之。○陽毒加
藥升麻去肉桂。○狂言亂語加辰砂酸棗仁。○頭疼目眩加川芎羌活
○咳嗽加五味桔梗。○心氣不足加人參麥門冬。○痰多加半夏陳皮
○喘急加馬兜鈴桑白皮。○大便秘通加大黃芒硝。○氣壅加三稜莪
朮。○心熱加黃連石蓮肉。○身痛拘急加麻黃。○口乾噤水加乾葛烏
梅。○服黃酒疸及五疸加茵陳木通滑石。○身熱加梔子烏梅。○伏暑
鼻衄加茅根煎調百草霜末。○五心熱如勞加桔梗柴胡。○有痰有熱
加桑白皮人參前胡。○水腫加甜葶藶木通滑石木香。○吊腎氣加吳
茱萸枳殼。○小腸氣痛加小茴木通。○霍亂轉筋加藿香木瓜。○小便
不利加木通滑石車前子。○喘咳心煩不得眠加阿膠炒。○疝氣加小
茴香川練子楸桐子桂薑蔥煎入鹽下捻同服。○女子紅汗加樗仁牡
丹皮。○嘔吐去桂加半夏生薑。

○一論伏暑作寒熱未解宜五苓散合白虎湯主之。伏熱後或冬米沐浴或吃冷物清氣在脾。今日作寒慘壯熱。渾身洒淅更加桂出汗便解。

○一論傷暑煩渴小便不利。木便泄瀉者宜用。

香茹散。治四苓散。名如苓湯。加木通滑石。○內熱心煩。加黃芩炒黃連山梔。

調辰砂末。虛倍加入參。

○一論伏暑身體倦怠。神昏頭重吐利。宜服。

十味香薷飲。

黃芪蜜炙

人參

白朮去蘆

白茯苓去皮 陳皮

厚朴薑炒

木瓜

香薷

扁豆

甘草

右剉水煎溫服。

○一論長夏濕熱蒸入人感之。四肢困倦。精神短少。懶於動作。胸滿氣促。肢節痛。或氣高而喘。身熱而煩。心下痞悶。小便黃而數。大便溏而重。或利或渴。不思飲食。自汗體重。或汗少者。血先病而氣未病也。其脈中得。

洪緩若濕熱相搏必加以遲遲病雖互換少差其脉暑濕今則一也宜清燥之藥治之

清暑益氣湯

黃芪一錢

蒼朮一錢

升麻一錢

人參

白朮

去蘆

陳皮

神麴炒

澤瀉各五分

甘草炙

黃柏

酒炒

當歸酒洗

青皮

去穢

麥門冬

去心

乾葛各三分

五味子

九粒

右剉一劑水煎服

○一論發熱惡寒身重疼痛小便澀酒然毛聳手足逆冷小有勞身即熱口開前板齒燥脉弦細虛遲表裏中竭也

補中益氣湯方見內傷依本方加香薷扁豆有熱加黃芩

○一論外不受寒止是內傷冷水冷物腹痛泄瀉或霍亂吐逆者

理中湯方見中寒加神麴麥芽蒼朮砂仁此專治內溫中消食也

○一論注夏者屬陰血虛元氣不足也夏初春末頭疼眼花腿酸脚軟食

少體弱五心煩熱口苦舌乾精神因倦無力好睡胸膈不利非加服
脉數無力是名注夏宜服

參歸益元湯

人參去蘆

當歸酒洗

白芍酒炒

懷熟地黃

白茯苓去皮

麥門冬去心各一錢

五味子十粒

陳皮

黃柏酒炒

知母酒炒各七分

甘草三分

右劉一劑棗一枚烏梅一箇炒米一撮水煎服○飽悶加砂仁白豆蔻
○惡心加烏梅蓮肉炒米○噦加竹茹○煩燥加辰砂酸棗仁竹茹○
渴加炒白木山藥砂仁烏梅去熟地知母黃柏○小水短赤加木通山
拖○胃脘不開不思飲食加厚朴白豆蔻益智仁砂仁蓮肉去熟地黃
黃柏知母○腰痛加杜仲破故紙小茴香○腿酸無力加牛膝杜仲○
皮焦加地骨皮○頭目眩暈加川芎○虛汗加黃芪酸棗白朮○勞遺
加牡蠣山藥辰砂椿根皮○虛驚煩熱加辰砂酸棗仁竹茹○口苦舌

乾加山施烏梅乾葛

○一論夏月最難調理而途中尤甚故附方預知暑濕清熱解煩可免中暑霍亂泄瀉痢疾等症

驅暑益元湯

人參一錢二分

白朮去蘆一錢五分 五味子十粒

白芍酒炒

麥門冬去心

白茯苓去皮一錢 甘草炙五分

知母酒炒

陳皮

香茹各七分 黃芩炒三分

右劉生薑煎服

○一論途中傷暑而作水瀉腹痛煩渴者行人不伏水土夏秋月宜隨身備此丸以防之

胃苓丸

蒼朮

米泔浸炒

陳皮一兩

厚朴

姜汁炒

白朮

去蘆土炒

白茯苓

去皮

肉桂

五錢

猪苓

一兩

澤瀉

一兩

人參五錢

黃連姜汁炒

白芍炒一兩

甘草炙五錢

右為末煉蜜丸如梧桐子大每服五六十丸清米湯下

○一論此方清上焦熱潤肺生津止渴

清上梅緣丸

烏梅

不拘多少以溫水洗淨取肉半斤

白沙糖半斤

右為細末入南薄荷葉頭末半斤共搗成膏丸如彈子大每用下丸口中嚥化行路備之解渴最妙

千里梅花丸

長途備用

枇杷葉

乾葛末

百藥煎

烏梅肉

蠟梅花

甘草

各一兩

俱為末

右用蠟五兩先溶蠟開投蜜二兩和藥末搗二百下丸如鷄頭實大夏月長途含化一九津液頓生寒香滿腹妙不可言

○一夏末秋初熱氣酷烈不可於中庭袒露身背受風取涼五臟俞穴並

食於背或令火扇風或擅露手足此中風之原若染諸疾便服八味丸能補理肺臟禦邪氣仍忌三白恐非壯藥性

○一人盛暑發熱胸背作痛飲湯自汗用發表之藥昏瞶譫語太便不實吐痰甚多用十全大補一劑頓退又用補中益氣加炮薑三劑全愈

○一人夏月入房食冰果腹痛余用附子理中湯而愈有同患此者不信別用二陳卒連之類而死

○一人雖盛暑喜然火四肢常欲沸湯漬之面赤吐痰一似實火吐甚宿食亦出惟食椒薑之物方快余爲食入反出乃脾胃虛寒用八味丸及十全大補加炮薑全愈不月不復

○一傷暑與傷寒俱有發熱若誤作傷寒治之則不可也蓋寒傷形熱傷氣傷寒則外惡寒而脈浮緊傷暑則不惡寒而脈虛此爲異耳經云脈盛身寒得之傷寒脈虛身熱得之傷暑治宜小柴胡湯減加知母石膏或人參白虎湯天久淫雨濕令大行蒼木白虎湯若元氣素弱而傷之

重者清暑益氣湯治之

八味丸見補益

補中益氣湯

見內傷

十全大補湯見補益

附子理中湯見中寒

六味丸見補益

小柴胡湯

白虎湯俱見傷寒

中濕

脉浮而緩濕在表也。脉沉而緩濕在裏也。或然而微或緩而濡皆風濕相搏也。脉經曰濕家爲病一身盡疼發熱而身已似黃黃也。

濕者因坐臥湿地遠行入水或冒風雨久着汗衣多食生冷濕麵酒後多飲冷水類能致之不自覺耳。蓋濕能傷脾脾土一虧百病由是生焉。而爲喘嗽漬而爲嘔吐溲而爲泄瀉溢而爲浮腫濕熱則發黃濕熱體則重著濕入關節則一身盡痛濕聚痰涎則昏不知人至於爲身熱爲鼻塞爲直視爲鄭聲爲虛汗爲脚氣爲腹中脹臍下堅爲小便難木便自利皆其證也。治濕之法必以健脾燥濕分利爲主經云治濕不利

小便非其治也。宜桑白木、茯苓、猪苓、澤瀉、車前之類。或因濕而生痰，故用二陳湯加羌活、防風、酒芍、去風行濕，蓋風能勝濕，故也。太抵宜微泄，及利小便，使上下分消，其濕是其治也。

○一論中濕而身盡痛者，乃風濕相搏邪在表也。

除濕羌活湯

羌活一錢五分

防風

升麻

柴胡各一錢 桑本

蒼朮

米泔浸各二錢

右剉下劑生薑煎服

○一論中濕而腫脹泄瀉者，乃濕傷脾邪在裏也。

滲濕湯

蒼朮

米泔製白朮去蘆

茯苓

各一錢五分 陳皮

猪苓

澤瀉

各一錢厚朴薑炒

香附

砂仁

撫芎

各七分

甘草

三分

右劉一刺。薑棗煎服。

○一論腎氣虛弱。冷臥濕地。腰背拘急。筋攣骨痛。當風眩涼過度。風邪流
入脚膝。為偏枯冷痺。緩弱疼痛。牽引脚重。行步艱難。并白虎歷節風。獨
活寄生湯。

獨活

桑寄生

牛膝去蘆酒

杜仲鹽酒炒 秦艽

細辛

桂心

川芎

白芍酒炒 茯苓去皮

人參

當歸酒洗

熟地黄

防風去蘆各分 甘草炙半

丁方用。各一兩。好酒炆。日飲三次。良驗。

右劉薑棗煎。空心溫服。○外用金鳳花。栢子仁。朴硝。木瓜。煎湯。浴。

日洗三次。

○一論寒濕客於經絡。腰脚酸痛。渾身麻木。五積散主之。方見中寒

○一論脾胃受濕。身重倦怠。好臥。治脊痛項強。似折。頂似拔。上冲頭痛。及
足太陽經不行。

羌活勝濕湯

羌活

獨活各一錢

防風各五分

川芎二分

甘草五分

外加黃芪錢白木一錢 防已一錢

右剉一劑。生薑煎服。○如身重腰沉沉然。經中有濕熱也。加黃柏一錢。

大附子五分 蒼朮二錢

○一論中濕遍身疼痛不能轉側及皮肉痛難忍者。

經驗白木酒

白木

去蘆油土炒一兩

右剉作三劑。好酒煎溫服。

○一論濕氣作痛或腫或脹或黃或瀉。

蒼朮膏

蒼朮 米泔浸搽去黑皮切片晒乾不拘多少

右用水熬成膏。白湯調服。如暴發紅腫痛甚者。以臘糟敷之。
○一論筋骨疼。或濕熱流注腰下作痛。

二妙湯

川黃柏 鹽酒炒五錢

蒼朮 米泔浸炒一兩

右爲末。每用一匙。沸湯入薑汁調食。前服痛甚者。加葱三根。水煎空心熱服。

○一論中濕遍身骨節疼痛。
除濕膏

廣膠 三兩

生薑 半斤 搗汁乳香

沒藥 取末各一錢半

右入銅杓內。火上熬化。移在滾湯內。填以篩。撓勿入花椒末少許。再攪勻。攤厚帛或絹上貼患處。用鞋底烘熱熨之。

○一夏月患濕不能行走。指腫者。九月間收茄根懸簾下煎湯洗之。

○一凡空屋久閉者。不宜輒入。欲入先以香物及蒼朮之類焚之。俟香氣

發散然後可入不然感之成病不閉并害元氣慎之。

○一凡濕氣流注之病痛不可忍。

用金銀花帶葉和酒糟研爛用淨瓦礫放火中烘熱敷患處立已。

○膏藥方

生薑帶皮取汁一碗葱汁一碗葱連青帶葉用加牛膠半斤慢火熬成膏入麝一錢在內用布帛攤膏藥貼痛處取出濕水如布出即愈。

火證

脉浮而洪數為虛火沉而實大為實火。洪火見於左手為心火見於右手為肺火見於左關為肝火右關為脾火兩尺為腎經命門之火男子兩尺洪大者必遺精陰火盛也。

人之臟腑各皆有火但有虛實之不同耳然實火可瀉如黃連瀉心火黃芩瀉肺火芍藥瀉脾火石膏瀉胃火木胡瀉肝火知母瀉腎火此皆苦

寒之味能瀉有餘之火。若飲食勞役內傷元氣火不兩立。為陽虛之病。以甘溫之劑除之。如黃芪人參甘草之屬。若陰微陽強相火熾盛。以乘陰位。為血虛之病。以甘寒之劑降之。如當歸地黃之屬。若心火亢極鬱熱內實。為陽強之病。以鹹冷之劑降之。如太黃芒硝之屬。若腎水受傷真陰失守。無根之火。為陰虛之病。以壯水之劑制之。如生地玄參之屬。若有腎經命門火衰。為陽脫之病。以溫熱之劑濟之。如附子乾薑之屬。若胃虛過食冷物。抑遏陽氣於脾土。為火鬱之病。以升發之劑發之。以升陽散火湯主之。諸經實火。照後方調之。毋執。

○一論男子婦人四股發熱筋骨間熱肌表熱如火捫之烙手此病多因血虛而得之。或胃虛過食冷物鬱遏陽氣於脾土之中火鬱則發之。

升陽散火湯

升麻

葛根

羌活

獨活

白芍

人參各六分

炙甘草一分

柴胡三分

防風二分半

生甘草二分

右到一劑生薑煎熱服忌生冷等物

○一論三焦實火六經積熱煩燥作渴口舌生瘡小便赤木便結一切有餘之火

涼膈散

連翹一錢五分 黃芩一錢 梔子一錢 桔梗一錢 薄荷五分

大黃一錢 芒硝一錢 甘草三分

右到水煎入蜜同服○咽喉痛加桔梗荆芥○酒毒加黃連乾葛名清心湯用蜜竹葉同煎○咳而嘔加半夏生薑○衄血嘔血加當歸赤芍生地○小便淋瀝加滑石赤茯苓○風眩加防風川芎石膏○斑疹加乾葛荆芥川芎赤芍藥防風桔梗○咳嗽加桑白皮杏仁桔梗○陽毒發斑加當歸○結胸心下滿加桔梗枳殼○譫語發狂踰牆赴井皆陽熱盛加黃連黃柏赤芍藥○眼生翳障赤澁流淚加菊花木賊生地黃

大金花丸 解諸熱臟伏火

黃連

去毛

黃芩

去朽

黃柏

去皮

梔子

去殼各等分

右為末滴米為丸如梧桐子大每服四五十丸白溫水下○一方加桔梗大黃酒煨治上焦一切熱證兼治鼻紅

○一論積熱積痰并五臟三焦有餘之熱火熱下利食痞膈悶咽痛服目赤腫中暑中熱煩燥等症及初發腫毒並治

黃金丸

大黃煨

鬱金

即薑黃要極小者佳

牙皂

去筋膜各等分

右為細末用牛膽汁入磁罐內煎成稀膏和藥為丸如梧桐子大每服三五十丸量病輕重加減白湯下大便少行一二次即止不傷元氣○一論上焦積熱風痰壅滯頭目赤腫或有瘡癰咽喉不利大小便閉澀一切風熱亦能磨酒食諸滯

神芎丸

黑丑四兩

滑石四兩

大黃二兩

黃芩二兩

黃連五錢

川芎五錢

薄荷五錢

右爲末滴水丸如梧子大每服五十丸用溫水送下。

上清丸 朱前吾傳

治上焦痰火咳嗽乃心肺之有熱也。

龍腦二分另研

硼砂三分另研

薄荷葉末一兩川芎末五錢

桔梗末二錢

甘草末二錢

右爲細末煉蜜爲丸如貫服大每服一九臨臥嚥化或食後以茶清嚥下。

○一婦人年四十餘夜間發熱早晨退五心煩熱無休止時半年後六脉皆數伏而且牢浮取全不應手以升陽散火湯四劑而熱減大半胸中覺清快勝前再與二劑熱悉退後以四物湯加黃柏知母少佐以炒黑乾薑二十劑全安。

○一治骨蒸內熱之病時發外寒寒過內熱附骨蒸盛之時四肢微瘦足

跌腫者其病在臟腑之中。

太白散

白石膏火煨為末。新汲水調下方寸匙。以身無熱為度。

內傷

東垣曰右手氣口脉大於人迎十倍。過在少陰則二倍。太陰則三倍。右手三部屬三陰。少陰在關主脾。太陰在寸主肺。肌肉大熱故脾肺二臟之脉皆緊盛。

右寸氣口脉急大而數。時一代而溢。此飲食失節。勞傷過度。其本虛之脈也。右關脾脉大而數。謂獨大於五部也。數中顯緩時一代也。右關胃脉損弱甚。則隱而不見。但內顯脾脉之大數。緩緩時一代。此飲食不節。失所之脈也。

右關脉沉而滑。此宿食不消之脈也。

內外傷辨

人迎脉大於氣口爲外傷，氣口大於人迎爲內傷。外傷則寒熱發作而無間，內傷則寒熱間作而不齊。外傷惡寒雖近烈火不除，內傷惡寒得就溫暖即解。外傷惡風乃不禁一切風寒，內傷惡風惟惡少風。外傷證頭在鼻，故鼻氣不利而鼻塞，有力。內傷者不然，內傷證頭在口，故口不知味而腹中不和。外傷者無此，外傷則邪氣有餘，發言壯厲且先輕而後重，內傷則元氣不足，出言懶怯且先重而後輕。外傷手背熱而手心不熱，內傷則手心熱而手背不熱。外傷頭痛常常有之，直而傳裏方罷。內傷頭痛有時而作，有時而止。若顯內症多者，則是內傷重而外感輕，宜以補養爲先。若顯外証多者，則是外感重而內傷輕，宜以發散爲急。

一論飲食勞倦傷脾，則不能生血。故血虛則發熱，熱則氣散，血耗而無力。或時易倦，或時飽悶，不思飲食，變病百端。如遇外感重者，則先理外

感六分而治內傷四分見効卽佳如外感輕則內傷藥用六分矣能治萬病其効如神

東垣云夫飲食不節則胃病胃病則氣短精神減少氣不足以息言語怯弱腹中不和口不知穀味或胃當心而痛或上支兩脇痛甚則重舌口爛身熱而煩胃既病則脾無所稟受故亦從而病焉若形虛勞則脾病脾病則怠惰嗜臥四肢不收或食少小便黃赤太便秘或泄或痢生只見此白膿或泄黃屎無氣以動而懶倦皆脾既病則胃不能獨行津液故亦從而病焉若外感風寒俱無此證故易分別耳

虛實之症不可不知因往往以內傷不足之病誤作傷寒外感有餘之症汗之吐之差之憂蓋誤之千里醫皆虛損醫殺之耳

夫傷寒爲太淫之病風寒始於表而漸傳於裏則初病頭項強痛發熱惡寒身疼當汗之及其邪入於裏熱盛內實譫語狂妄當下之不愈則發斑黃厥逆變生諸症矣

夫內傷因七情鬱結飲食勞役爲不足之病始生手裏而發于表也其病
倦怠四肢不收頭眩時作時止其熱始盛于心脇間次發于肢體而謂
風寒時時畏懼氣短喘促懶于言語脉必微細或弦而數或虛而大而
數只此分辨則內外易見矣

○一論中氣不足或誤服尅伐四肢倦怠口乾發熱飲食無味或飲食失
節勞倦身熱脉洪大無力或頭暈眼黑自汗或氣高而喘身熱而煩脉
微細軟弱自汗體倦少食或中氣虛弱而不能攝血或飲食勞倦而患
瘧痢等症因脾胃虛而不能愈者或元氣虛弱感冒風寒而不勝衣裘
用此代之或入房而後勞役感冒或勞役感冒而後入房者愈加附子
思謂人之一身以脾胃爲主脾胃氣實則肺得其所養肺氣既盛水自
生焉水升則火降水火既濟而全天地交泰之令矣脾胃既虛四肢俱
無生氣故東垣先生著脾胃內外傷等論時時然皆以固脾胃爲本所
藥補中益氣湯又冠諸方之首觀其立方本旨可知矣故曰補腎不如

補脾正此謂也。前所治症，舉其略餘，當倣此而類推之，是方之妙，非註以表明之。

補中益氣湯

黃芪

錢五分

人參 一錢

白朮

錢五分

當歸

錢五分

陳皮

七分

柴胡

升麻

甘草

各五分

右剉一劑，薑棗煎服。

如感風寒，頭痛發熱，加防風、川芎、白芷各一錢。羌活七分。汗多加黃芪五分。

如汗多，去升麻、柴胡，加炒酸棗仁一錢。夜間不睡，亦加之。

如虛火炎上，加玄參一錢。

如陰虛生火，加酒炒黃柏、知母各七分。夏月亦可常用。

如陰虛吐痰，加貝母一錢。

如泄瀉，去當歸，加白朮一錢。澤瀉一錢。白芍藥一錢。

如氣虛甚者必少加大附子藥過以行參芪之力也手足冷或腹瀉亦加之。

如心刺痛者乃血滯不足加當歸五分白豆蔻七分研。

如用心太過神思不寧怔忡驚悸加茯神酸棗仁炒柏子仁各一錢遠志石菖蒲各七分。

如咽乾及酒者加乾葛七分天花粉一錢。

如飲食少或傷飲食加神麴麥芽山楂各一錢。

如精神短少者倍加人參夏加五味子十粒麥門冬去心一錢。

如夢遺加牡蠣龍骨煨各一錢。

如頭痛加蔓荊子七分痛甚加川芎七分。

如頭暈痛者加藁朮一錢細辛三分。

如腰痛加牛膝杜仲菟絲各一錢。

如肢弱如木从一錢漢防已五分。

如有痰加半夏薑製七分貝母一錢

如咳嗽夏加片苓知母麥門冬各一錢

如久嗽肺中有伏火者減人參加片苓紫苑各一錢

如食不下胸中有寒或塞滯加青皮五分木香三分

如脚軟乏力或痛加酒炒黃柏一錢牛膝五加皮各一錢

如五心煩燥加生地黃若氣浮心亂以朱砂安神丸鎮固之則愈方見

怔忡

○一論中氣虛而胃弱不愛食及食不牛肉不舉力或常微熱怯冷神疲
倦怠或帶痰嗽

加味六君子湯

人參一錢

白朮去蘆炒一錢五分

陳皮八分

白茯苓去皮一錢

半夏

薑製八分乾薑七分

山查肉一錢

甘草炙三分

砂仁五分

右剉一劑薑棗煎服

○一論此方藥性中和導理心脾氣弱神昏體倦多困少力飲食不進中滿痞噎心忪上喘嘔吐瀉痢等症久服養氣有神醒脾益胃扶正辟邪

參苓白朮散

人參一錢

白朮去蘆一錢 白茯苓去片七分 白扁豆炒一錢

山藥一錢

蓮肉去心皮七 桔梗去蘆七分 薏苡仁一錢

砂仁五個

甘草炙四分

右剉一劑薑棗煎服

○一論凡遇勞役辛苦用力過多即服此二三劑免生內傷發熱之病

補氣湯

嫩黃芪去蘆 人參

白朮去蘆炒 陳皮

麥門冬去心各 五味子十箇

甘草炙七分

右剉一劑生薑三片棗二枚水煎食前服勞倦甚者加熟附子五分

○一論凡過勞心思慮損傷精神頭目昏眩心虛氣短驚悸煩熱等症
補血湯

當歸酒洗

白芍酒炒

白朮神去皮木 酸棗仁炒

麥門冬去心各人參一錢二分川芎

懷生地黃

陳皮

枳子炒各五分五味子十五箇甘草炙五分

右剉一劑水煎溫服

○一論脾胃虛弱元氣不足四肢沉重食後昏沉懶於動作嗜臥無力
補胃湯

黃芪蜜炒二錢人參五分

甘草炙一錢

當歸三分

柴胡三分

升麻三分

蒼朮米泔浸一錢

青皮去穢五分

神麴炒七分

黃柏酒炒三分

右剉一劑水煎食後服

○一論病後元氣虛弱脾胃虧損此藥補氣和血健脾理胃進美飲食壯

健身體充實四肢清火化痰解鬱順氣

參冬白朮丸

人參一兩

白朮

去蘆土炒二兩半

白茯苓

去皮一兩

懷山藥炒一兩

白扁豆

薑汁炒一兩

桔梗

去蘆一兩

薏苡仁

炒

蓮肉去心皮二兩

陳皮一兩

半夏

湯泡薑汁炒一兩

砂仁五錢

黃連

薑汁炒一兩

神麴炒一兩

香附

童便炒一兩

當歸

酒洗一兩

白芍

兩炒

兩

甘草炙五錢

右為末薑棗煎湯打神麴糊為丸如梧子大每服百丸食後米湯下加

遠志去心一兩亦妙

○一論此方養元氣健脾胃生肌肉潤肌膚益血秘精安神定智壯筋力

養精神進飲食之上品也又治虛勞瘦怯泄瀉腹脹腫滿喘咳等症

陽春白雪糕

白茯苓去皮

懷山藥

芡實仁

蓮肉

去心皮各四兩共為末

陳倉米半升

糯米半升

白沙糖一斤半

右先將藥米二末用麻布袋盛放甌內蒸極熟取出放簍箕內却入白沙糖同搗極勻揉作一塊用小木印印作餅子晒乾收貯男婦小兒任意取食妙不可言

○一秀才勞役失宜飲食失節肢體倦怠發熱作渴頭痛惡寒誤用人參收毒散痰喘昏憤揚手擲足胸膈發斑如蚊所咬余用補中益氣湯加葛桂麥門五味補之而愈

○一男子發熱煩渴時或頭痛因服發散藥反加喘急腹痛其汗如膏晝夜譫語余慮此勞傷元氣誤汗所致其腹必喜手拂詢之果然遂與十全大補加附子一錢服之熟睡喚而不醒舉家驚惶及覺諸病頓止再劑而痊凡人依食勞役起居失宜見一切寒症悉屬內真寒而外假熱故肚腹喜暖口畏冷物此乃形氣病氣俱傷不足法當純補元氣為要一人因勞役失於調養忽感暑憤此元氣虛火妄動大疲而作急令灌

章使神思漸爽更用參芪各五錢黃歸各三錢玄參柴胡山施炙甘草各一錢服之稍定察其形候佳又以十全大補湯加五味麥門冬之而安凡入元氣素弱或因起居失宜或因飲食勞倦或因用心太過致遺精白濁自汗盜汗或內熱肺熱潮熱發熱或口乾作渴痰痛舌裂或胸乳膨脹脇肋作痛或頭頸時痛眩暈目花或心神不寧寤而不寐或小便赤澀莖中作痛或便溺餘滿膀胱陰冷或形容不充肢體畏寒或尊氣急促或更存一切熱症皆是無根虛火但服煎湯因其根未諸症自息若或其風熱則悞矣

○一人面如血紅發熱終日不食沉困相火冲上予以

補中益氣湯煎半碗童便半碗合而服之日進五服而愈

○一論大凡本病後穀消水去精散衛亡多致便利枯竭宜當補中益氣爲主蓋爲中州流灌即與胃行其津液者也況太腸主津小腸主液亦皆受於胃胃氣一衰津液自行矣燥者別當以辛潤之以其滋

之

飲食

東垣云胃中元氣盛則能食而不傷過時而不饑脾胃俱旺則能食而肥也脾胃俱虛則不能食而瘦或少食而肥雖肥而四肢不舉蓋脾胃而邪氣盛也又有善食而瘦者胃伏火邪於氣分也則能食脾虛則肌肉削即食禁也

大抵飲食不進以脾胃之藥治之多不效者亦有謂焉人之有生不善攝養房勞過度真陽耗傷坎火不溫不能上蒸脾土中和失布中州不運是致飲食不進胸膈痞塞或不食而脹滿或已食而不消太陰泄瀉此皆真火衰弱不能蒸騰脾土而然古云補腎不若補脾予謂補脾不若補腎腎氣壯壯丹由之火上蒸脾土脾土溫和中焦自治則能進食矣今飲食進少且難消化屬脾胃虛寒蓋脾胃屬土乃命門火虛不能生

土而然不宜直補脾胃常服八味丸補火生土也方見補益

天食者謂穀肉菜果之物也經云陰之所生本在五味陰之五官傷在五
味穀肉菜果口嗜而欲食之心自裁制勿使過焉則傷其正矣或有傷
于食者必先問其人或因喜食而多食之耶或因饑餓而急食之耶或
因人所勉強勸而強食之耶或因病後宜禁之物而誤食之耶如因喜
食得之當先益其胃氣胃氣素強損穀自愈消導耗氣之藥不必服也
如因饑餓得之當先益其胃氣胃氣傷所傷之物自消導矣宜香砂養
胃湯主之如因勉強勸而得之宜行消導之劑百消丸主之若因病後
得之當以補養為主宜參苓白朮散主之

其所傷之物有寒熱之不同所傷之人有強弱之各異主治之法無一定
也所謂熱物者如膏粱辛辣厚味之物是也穀肉多有之寒物若水水
瓜桃李生冷之物是也菜果多有之治熱以寒太黃牽牛是也治寒以熱
丁香巴豆是也如以熱攻熱以寒攻寒則食雖去藥毒猶存胃氣重傷

禍不旋踵矣。故傷熱物者，三黃枳朮丸甚則利氣，九進之。傷冷物者，香砂養胃湯甚則萬億九通之。如冷熱不調者，備急丹主之。

人知飲食所以養生，不知飲食失調亦以害生。故能消息使適，其宜是謂賢哲。防於未病，凡以飲食無論四時，常令溫暖。夏月伏陰在內，煖食尤宜。不欲苦飽，飽則筋脉橫解，腸辟爲痔。因而不飲，則氣廼暴逆。養生之道，不欲食後便臥。及終日穩坐，皆能凝結氣血。久卽損壽。食後常以手摩腹數百遍，仰面呵氣數百口，趺趺緩行數百步，謂之消化。食後便臥，令人患肺氣頭風中痞之疾。蓋榮衛不通，氣血凝滯故爾。故食訖當行步躊躇，有作修爲，迺佳。語曰：流水不腐，戶樞不蠹。以其動然也。食飽不得速步走馬，登高涉險，恐氣滿而激，致傷臟腑。不欲夜食，脾好音聲，聞聲卽動而磨食。日入之後，萬響俱絕，脾迺不磨食之，卽不易消。不消卽損胃，損胃卽番，卽不受穀氣。穀氣不受，卽坐臥袒肉，操扇此當毛孔盡開，風邪易入，感之令人四肢不遂，不欲極饑而食，食不可過飽，不欲極

渴而飲不可過多。食過多則結積。飲過多則成痰癖。故曰：太渴不大飲，太饑不大食，恐血氣失常，卒然不救也。荒年餓殍，飽食即死，是驗也。嗟乎！善養生者，養內不養外；養生者，養外養內者，以恬臟腑，調順血脈，使一身之流行沖和，百病不作。養外者，恣口腹之欲，極滋味之美，窮飲食之樂，雖肌體充腴，容色悅澤，而酷烈之氣內蝕臟腑，形神虛矣。安能保合大和以臻遐齡？莊子曰：人之可畏者，衽席飲食之間而不知為之戒過也。其此之謂乎！

○一論治內傷。生冷飲食厚味堅硬之物，肚腹脹滿疼痛，外感風寒濕氣，頭疼身熱，增寒遍身骨節麻木疼痛，七情惱怒相沖，飲食不下，心腹氣痛。

行氣香蘇散

紫蘇

陳皮

香附

烏藥

川芎

羌活

枳殼 去穢

麻黃

甘草

因濕加蒼朮

右劉生薑煎服○外感風寒頭痛加葱白三根○內傷飲食加山查神麴去麻黃

○一論脾胃虛弱不思飲食口不知味胸腹痞脹疼痛等症用此香砂養胃湯 虛弱人宜此

人參 七分

白朮 去鹽炒

白茯苓 去皮

香附 炒

砂仁

蒼朮

米泔浸炒

厚朴 薑汁炒

陳皮 各八分

白豆蔻

去殼

木香 五分

甘草 炙三分

右劉薑棗煎服○脾胃虛寒加乾薑官桂○胃熱加薑汁炒黃連梔子炒○肉食不化加山查草果○米粉麵食不化加神曲麥芽○生冷瓜果不化加檳榔乾薑○胸腹飽悶加枳殼蘿蔔子大腹皮○傷食胃口呆痛加木香枳實益智仁○傷食泄瀉加乾薑烏梅白朮○傷食惡心嘔吐加藿香丁香半夏烏梅乾薑○吐痰加半夏

○一論脾胃虛弱不思飲食嘔吐泄瀉胸痞腹脹噎膈并虛勞咳嗽吐痰
木便頻數或腹痛等症尋常無病之人服之百病皆除
理氣健脾丸

白朮

去蘆炒
六兩

白茯苓

去皮
三兩

陳皮

洗
三兩

半夏

泡洗
二錢 姜汁炒一兩

當歸身

酒洗
六兩

黃連

姜汁炒
二兩

枳實

麩炒
一兩 五錢

桔梗

炒
一兩 五錢

神麴

炒
二兩 五錢

山查肉

去子
一兩 八錢

香附

童便炒
二兩

木香

五錢

甘草

炙
一兩

如泄瀉去

桔梗加白芍
煨二兩

右爲末荷葉一塊煎湯下大米煮粥爲丸如梧子大每服八十九食後
白湯下○如元氣虛弱加黃芪蜜炙二兩人參一兩懷山藥二兩蓮肉
去心炒二兩

○一論人稟素弱脾胃虛怯上焦有火有痰有鬱氣有食積胸中不快飲食少思尋常可服

三補枳朮丸

白朮

去腐炒

陳皮

去白

枳實

炒

黃連

姜升炒

黃芩

醋炒

黃柏

青蘆水炒

白茯苓

去皮

貝母

去心八錢

神麴

炒五錢

山查

去核

麥芽

炒三錢

加砂仁

三錢

香附

醋炒三錢

右爲細末，荷葉煎湯下，梗米煮稀粥同藥搗和爲丸，加梧桐子大，每服

一百丸，食後薑湯送下，有熱茶清送下，服後飲食自然，多進人之精血

皆因穀氣而生，蓋脾乃肺之母，實乃消化之氣，下降何痰之有

○一論中氣虛損，脾胃怯弱，飲食不下，或瀉或痢，有調胃實腸之功用

大鯽魚去腸屎，淨入蒜五六瓣於內，用布包水濕火煨熟，去蒜食魚

日二三次，自然進食，又治腸噎食不下

○一論此方能消酒消食消痰消氣消水消痞消腫消脹消積消痛消現

此藥消而不見，響而不動，藥本尋常，其功甚捷

百消丸

黑丑頭末二兩

香附米少

五靈脂各一兩

右為細末。醋糊為丸。如棗豆大。每服二三十丸。或五大十丸。食後薑湯送下。

○一治胃中停滯寒冷之物及療心腹諸卒暴痛。并脹滿不快。宜用備急丹。

大黃

巴豆去殼

乾薑各一兩

右為細末。煉蜜為丸。如梧桐子大。每服三九溫水送下。○若卒中客忤。心腹脹滿卒痛如錐。氣急口噤。脣尸卒死者。用熱酒灌下。以腹中鳴轉。即吐下立效。忌蘆薈猪肉冷水肥膩之物。

萬應丸方見通治治一切飲食所傷。腹滿疼痛。

○一治過食寒硬冷物。食傷太陰厥陰。或嘔吐痞滿脹滿。

厚皮

半夏

茯苓

枳實

山楂

神麴炒

乾生薑

砂仁

三棱

莪朮

右剉生薑煎服。

○一治過食熱物煎炒厚味有傷太陰厥陰嘔吐痞脹或瀉利者。

青皮

陳皮

枳實炒

白朮炒

白芍炒

黃連薑炒

山楂肉

麥芽炒各一錢

大黃酒蒸一錢五分甘草三分

右剉水煎溫服。

嗜酒喪身

夫酒者祭天享地順世和人行氣和血乃陶情性世人能飲者固不可缺。凡遇天寒冒露或入病家則飲酒三五盞壯精神辟瘴癘飲者不過量力而已過則耗傷血氣也古云飲酒無量不及亂此言信矣飲者未嘗得於和氣血抑且有傷脾胃傷於形亂於性顛倒是非皆此物也。早酒傷胃宿酒傷脾為嘔吐痰沫醉後入房以竭其精令人死亦不知雖知

者亦述而不戒養浩高人當寡慾而養精神節飲食以介眉壽此先聖之格言實後人之龜鑑也本草云酒性大熱有毒大能助火一飲下咽肺先受之肺為五臟華蓋屬金本燥酒性喜升氣必隨之痰鬱于上溺澀干下肺受賊邪不生腎水水不能制心火諸病生焉其始也病淺或嘔吐或自汗或瘡疥或鼻衄或泄利或心脾痛尚可散而出也其久也病深或為消渴為內疽為肺痿為痔漏為鼓脹為黃疸為朱明為哮喘為勞嗽為吐衄為癰疽為難狀之病倘非高明未易處治凡嗜酒者可不慎乎

○一論治酒病當發汗其次莫如利小便使上下分消其濕可也此藥治飲酒太過嘔吐痰逆心神煩亂胸膈痞塞手足戰搖小便不利或大便秘澹飲食減少等症宜服

烏花解醒湯

葛花五錢

砂仁五錢

白豆蔻五錢

八參二錢五分

白木

去心炒

白茯苓

去皮

一錢五分

陳皮

一錢五分

木香五分

猪苓

一錢五分

澤瀉

二錢

神曲

二錢炒

乾生薑

二錢

素有熱者加黃連

姜汁炒一錢

右為細末和勻每服三錢白湯調下。但得微汗酒病去矣。論云此蓋不得已用之豈可恃賴。日白飲酒即是方氣味辛溫偶因病酒服之則不損元氣何者。飲酒病故也。若頻服之則損人。不年也。

一治燒酒醉傷不醒者。急用豇豆粉盪皮切片將筋開口用冷水洗下。一論此藥能壯脾進飲食。令人飲酒不醉用。

八仙劉散

丁香

砂仁

白豆蔻

去壳各

粉葛

一兩

百藥煎

二錢半

木瓜

盪蜜一兩

燒酒

一兩

甘草

二錢半

右細劉人不能飲酒者只抄一錢細嚼溫酒下即能飲酒不醉。其酒

服過服至有不傷人之元氣也。

○一論飲酒過多太醉難醒服此解之。

石膏湯

石膏五兩

葛根剉

生薑剉各五錢

右剉每服五錢水煎服。

○一論腹中脹氣痞滿面色黃黑將成癰疾飲食不進。日漸肌瘦如欲飲酒先服之多飲不醉。

白林丸

丁香五十箇

木香三錢

橘紅去白三兩

小茴香五錢

三稜炮三錢

莪朮炮三錢

人參一兩

砂仁二十箇

白豆蔻三十箇

乾薑三錢

生薑

二兩去皮切片鹽二兩醋一宿焙乾

甘草炙三錢

右為細末煉蜜為丸。朱砂為衣。每二兩作五丸。每服一丸細嚼生薑湯

下

○一論酒積面黃黑色腹脹不消

甘遂房一錢用糟頭猪肉二兩細切如泥入遂末在內和勻通作一丸
吊裏燒令香熟取出臨臥細嚼好酒送下

解酒仙丹 魯府傳

白果仁八兩

葡萄八兩

薄荷葉一兩

側柏枝一兩

細辛五分

朝腦五分

細茶四兩

當歸五錢

丁香五分

官桂五分

砂仁一兩

甘松一兩

右為細末煉蜜為丸如茶實大每服一丸細嚼茶清送下極能解酒

神仙醒酒丹 周藩京山王傳

葛花五兩

赤小豆花

菘豆花各二兩

家葛花搗碎水澄粉

真柿霜四兩

白豆蔻末五錢

右取細末和勻用生藕汁搗和作丸如彈子大每用一丸嚼而嚥之立

醒

○一論飲酒人元氣虛弱四肢無力飲食減少面紅如粧宜用

補中益氣湯補中益氣湯加陳皮半夏乾葛白芍神曲麥芽枳殼○小便閉加麥

門冬○大便秘加桃仁紅花火麻仁

○二儒者喜飲便滑溺瀉食減胸滿腰足漸腫疰屬脾腎虛寒用加減金

匱腎氣丸進食腫消更用八味丸胃強脾健而愈

○丁人善飲酒泄瀉腹脹吐痰作嘔口乾此脾胃之氣虛先用六君子加

神麴止嘔再用益氣湯加茯苓半夏泄脹亦愈此症若濕熱蘊滯用

葛花解醒湯分消其濕濕既去而瀉未已須用六君子加神曲實脾土

化酒積然雖為酒而作實因脾土虛弱不勝專主濕熱

醒醉湯

用青橄欖黃柏者不用在上磨去粗皮核細切如細丁片以粉草末

二三兩炒鹽二三兩拌勻入磁罐內密封以沸湯點服自然生津液

極妙

吃酒不醉方

薄荷五錢

乾葛一兩

桂花三錢

白梅肉五錢

右爲末爲丸先放口內舌下自然化酒

斷酒法 用驢駒衣燒灰調酒服

傷酒不藥法 心中酒食停積或夜入驚飲過多一切服下胸腹脹滿不

消

用鹽花頻擦牙齒溫水漱下不過三次如湯潑雪即時寬腸通快誠妙法也

○一治飲酒過多蘊熱胸膈以致吐血衄血

葛花二兩

黃連四兩

右爲末以大黃末整常和爲丸如梧子大每服百丸溫水送下

○一人飲酒過度大醉不醒一家惶惶無計可施來問用何樹枝上乾

葉西乾枯末真葛花末二味各等分每服三錢滾白水調服立應

極鬱證

脉多沉伏或促或細或代氣鬱則必沉而滑濕鬱則必沉而緩熱鬱則必沉而數痰鬱則脉弦滑血鬱則脉芤而結促食鬱脉必滑而緊盛鬱在上見于寸鬱在中見于關鬱在下見于尺左右皆然

六鬱者結聚而不得發越也當升者不得升當降者不得降鬱變化者不得變化也此為傳化失常六鬱之病見矣氣鬱者胸脇痛脉沉滑濕鬱者周身走痛或關節痛遇陰寒則發脉沉細痰鬱者動則喘寸口脉沉滑熱鬱者腎悶小便赤脉沉數血鬱者四肢無力能食便紅脉沉食鬱者噎酸腹飽不能食人迎脉平和氣口脉緊盛者是也

○一論丹溪曰氣血冲和百病不生一有拂鬱諸病生焉其症有六氣血痰濕熱食是也此方開諸鬱之總司也

六營湯

香附童便炒

蒼朮米泔浸

神麴炒

梔子炒

連翹

陳皮

川芎

貝母

枳殼麸炒

白茯苓

蘇梗各一錢

甘草五分

右剉十劑水煎服

○痰鬱加南星半斤○熱鬱加柴胡黃芩○血鬱加

桃仁紅花○濕鬱加白朮羌活○氣鬱加木香檀榔○食鬱加山楂砂

仁一

○一論解諸鬱火痰氣開胸膈思飲食行氣消積散熱用此
加味越鞠丸一

蒼朮

米泔浸一兩 撫芎一兩

香附童便浸一兩 神麴炒一兩

梔子炒五錢

陳皮去白一兩

白朮去蘆炒三兩

黃連酒炒一兩

山楂夫子二兩

白茯苓去皮一兩

離筍子炒五錢 連翹五錢

枳實麸炒一兩

當歸酒洗一兩

黃木香五錢

右為末薑汁打稀糊為丸如梧子大每服五六十丸食後白湯下

○一論氣濕痰熱血食六鬱此寬胸快膈之藥也

越鞠二陳丸

蒼朮 米泔浸

山梔子 炒黑

神麴 炒

香附 童便炒

山楂肉

陳皮

半夏 湯泡薑炒

白茯苓 去皮

海石

南星 薑炙

天花粉 各二兩

枳殼

去穢 炒

甘草

各五錢

右共為細末滾水和成丸如梧子大每服二錢食後服用蘇合湯下

妻湯茶清任下食後服